

შპს „შხარა“ და მისი
შვილობილი კომპანია

კონსოლიდირებული ფინანსური და მმართველობის ანგარიშგება

დამოუკიდებელი აუდიტორის დასკვნასთან ერთად

2024 წლის 31 დეკემბერს დასრულებული წლისთვის

დამოუკიდებელი აუდიტორის დასკვნა	3
---------------------------------------	---

ფინანსური ანგარიშგება

ფინანსური მდგომარეობის კონსოლიდირებული ანგარიშგება.....	6
სრული შემოსავლის კონსოლიდირებული ანგარიშგება.....	7
საკუთარი კაპიტალის ცვლილებების კონსოლიდირებული შესახებ.....	8
ფულადი ნაკადების კონსოლიდირებული ანგარიშგება	9

ფინანსური ანგარიშგების განმარტებითი შენიშვნები

1. ზოგადი ინფორმაცია.....	10
2. მომზადების საფუძვლები	10
3. არსებითი სააღრიცხვო პოლიტიკის მიმოხილვა	13
4. მნიშვნელოვანი სააღრიცხვო შეფასებები და გადაწყვეტილებები.....	18
5. ფინანსური ინსტრუმენტები - რისკების მართვა	19
6. ძირითადი საშუალებები	21
7. არამატერიალური აქტივები	22
8. სავაჭრო და სხვა მოთხოვნები	22
9. ფული და ფულის ეკვივალენტები	23
10. სავაჭრო და სხვა ვალდებულებები.....	23
11. მიღებული სესხები	23
12. საგადასახადო ვალდებულებები.....	24
13. მოგება (ზარალი) შეწყვეტილი ოპერაციებიდან.....	24
14. პირობითი ვალდებულებები	25
15. ოპერაციები დაკავშირებულ მხარეებთან	26
16. საანგარიშგებო პერიოდის შემდგომი მოვლენები.....	26

კონსოლიდირებული მმართველობის ანგარიშგება.....	27
---	----

დამოუკიდებელი აუდიტორის დასკვნა

შპს „შხარას“ მფლობელებსა და ხელმძღვანელობას

აუდიტორის მოსაზრება კონსოლიდირებული ფინანსური ანგარიშგების აუდიტზე

უარყოფითი მოსაზრება

ჩავატარეთ შპს „შხარას“ (შემდგომში „კომპანია“) და მისი შვილობილი კომპანიის (შემდგომში „ჯგუფი“) თანდართული კონსოლიდირებული ფინანსური ანგარიშგების აუდიტი, რომელიც შედგება 2024 წლის 31 დეკემბრის მდგომარეობით მომზადებული ფინანსური მდგომარეობის კონსოლიდირებული ანგარიშგებისგან, ასევე აღნიშნული თარიღით დამთავრებული წლის სრული შემოსავლის კონსოლიდირებული ანგარიშგების, საკუთარი კაპიტალის ცვლილებების კონსოლიდირებული ანგარიშგებისა და ფულადი ნაკადების მოძრაობის კონსოლიდირებული ანგარიშგებისგან, ყველა მნიშვნელოვანი სააღრიცხვო პოლიტიკის მოკლე მიმოხილვისა და სხვა განმარტებითი ინფორმაციისგან.

ჩვენი აზრით, ჩვენი დასკვნის - „უარყოფითი მოსაზრების საფუძველი“ - ნაწილში აღწერილი საკითხის მნიშვნელობის გამო, თანდართული კონსოლიდირებული ფინანსური ანგარიშგება, ყველა არსებითი ასპექტის გათვალისწინებით, სამართლიანად არ ასახავს ჯგუფის ფინანსურ მდგომარეობას 2024 წლის 31 დეკემბრის მდგომარეობით, ასევე მისი საქმიანობის ფინანსურ შედეგებსა და ფულადი სახსრების მოძრაობას იმ საანგარიშგებო წლისთვის, რომელიც დასრულდა მოცემული თარიღით, ფინანსური ანგარიშგების საერთაშორისო სტანდარტების (ფასს) შესაბამისად.

უარყოფითი მოსაზრების საფუძველი

კომპანიამ გაყიდა მისი ერთადერთი შვილობილში წილი 2025 წლის 30 დეკემბერს დაკავშირებულ მხარეზე 800 ათას აშშ დოლარად, ორი წლის შემდგომი გადახდის პირობით. შვილობილის გაყიდვის შემდეგ კომპანიამ შეიცვალა ბიზნესის პროფილი და გადაწყვიტა სესხების გაცემა. თუმცა, გაცემული სესხი ნაადრევად ჩაიფარა და ახალი სესხი აღარ გაცემულა. მართალია, 2024 წლის 31 დეკემბრისთვის, კომპანიას აქვს იმდენი ფულადი სახსრები, რომ გადაიხადოს მიღებული სესხები, თუმცა ხელმძღვანელობას არ აქვს არავითარი მომავალი გეგმები როგორ გააგრძელებს კომპანია თავის ბიზნესს და არ გააჩნია ფულადი ნაკადების პროგნოზები. ხსენებული სიტუაცია მიუთითებს, რომ არსებობს არსებითი განუსაზღვრელობა, რაც მნიშვნელოვან ეკვს ბადებს კომპანიის უნართან დაკავშირებით, საქმიანობა განაგრძოს, როგორც ფუნქციონირებადმა საწარმომ. ფინანსურ ანგარიშგებაში გამჟღავნებული არ არის ინფორმაცია ამ ფაქტის შესახებ.

აუდიტს წარვმართავდით აუდიტის საერთაშორისო სტანდარტების (ასსების) შესაბამისად. აღნიშნული სტანდარტებით გათვალისწინებული ჩვენი პასუხისმგებლობა აღწერილია დასკვნის ნაწილში, „აუდიტორის პასუხისმგებლობა ფინანსური ანგარიშგების აუდიტზე“. ჩვენ ვართ ჯგუფისგან დამოუკიდებლები, რაც გულისხმობს შესაბამისობას „ბუღალტერთა ეთიკის სტანდარტების საერთაშორისო საბჭოს“ მიერ გამოცემული „პროფესიონალ ბუღალტერთა ეთიკის კოდექსის“ ფინანსური ანგარიშგების აუდიტის საქართველოში არსებულ მოთხოვნებთან და ამასთანავე, ვასრულებთ ამავე კოდექსით განსაზღვრულ სხვა ეთიკურ ვალდებულებებს.

გვჯერა, რომ ჩვენ მიერ მოპოვებული აუდიტის მტკიცებულებები საკმარისი და შესაფერისია ჩვენი უარყოფითი მოსაზრების გამოთქმისთვის აუცილებელი საფუძვლის შესაქმნელად.

სხვა ინფორმაცია

სხვა ინფორმაციაზე პასუხისმგებელია ჯგუფის ხელმძღვანელობა. სხვა ინფორმაცია მოიცავს კომპანიის კონსოლიდირებულ მმართველობის ანგარიშგებას. იმ მიზეზის გამო, რომლებიც აღწერილია უარყოფითი მოსაზრების საფუძვლის ნაწილში, ჩვენ მივიჩნევთ, რომ ფინანსური ანგარიშგება ყველა არსებითი ასპექტის გათვალისწინებით არ არის მომზადებული ფინანსური ანგარიშგების საერთაშორისო სტანდარტების (ფასს) შესაბამისად. მმართველობის ანგარიშგებასთან მიმართებით, ჩვენი სამუშაო შემოიფარგლებოდა იმით, რომ განგვესაზღვრა შეიცავს თუ არა მმართველობის ანგარიშგება „ბუღალტრული აღრიცხვის, ანგარიშგების და აუდიტის შესახებ“ საქართველოს კანონის მე-7 მუხლის მოთხოვნებს.

აუდიტის დროს ჩატარებულ სამუშაოზე დაყრდნობით, გამოვთქვამთ მოსაზრებას, რომ:

- 2024 წლის მმართველობის ანგარიშგება ყველა არსებითი ასპექტის გათვალისწინებით თანხვედრაშია 2024 წლის ფინანსურ ანგარიშგებასთან; და
- 2024 წლის მმართველობის ანგარიშგება ყველა არსებითი ასპექტის გათვალისწინებით მოიცავს “ბუღალტრული აღრიცხვის, ანგარიშგებისა და აუდიტის შესახებ” საქართველოს კანონის მე-7 მუხლის მე-10 პუნქტით მოთხოვნილ ინფორმაციას.

აუდიტორის დასკვნაში, უარყოფითი მოსაზრების საფუძვლის ნაწილში აღწერილი საკითხების მნიშვნელობიდან გამომდინარე, ჩვენ არ შეგვიძლია გამოვთქვათ მოსაზრება იმასთან დაკავშირებით, შეიცავს თუ არა მმართველობის ანგარიშგება რაიმე არსებით უზუსტობას.

ხელმძღვანელობისა და მეთვალყურეობაზე პასუხისმგებელ პირთა პასუხისმგებლობა კონსოლიდირებულ ფინანსურ ანგარიშგებაზე

ხელმძღვანელობა პასუხისმგებელია თანდართული კონსოლიდირებული ფინანსური ანგარიშგების მომზადებასა და სამართლიან წარდგენაზე ფასს-ების შესაბამისად, ასევე შიდა კონტროლზე, რომელსაც იგი აუცილებლად მიიჩნევს ისეთი კონსოლიდირებული ფინანსური ანგარიშგების მოსამზადებლად, რომელიც არ შეიცავს თაღლითობით ან შეცდომით გამოწვეულ არსებით უზუსტობას.

კონსოლიდირებული ფინანსური ანგარიშგების მომზადებისას ხელმძღვანელობას ევალება, შეაფასოს ჯგუფის ფუნქციონირებადობის უნარი და, აუცილებლობის შემთხვევაში, კონსოლიდირებული ფინანსური ანგარიშგების შენიშვნებში განმარტოს საკითხები, რომლებიც დაკავშირებულია საწარმოს ფუნქციონირებადობასთან და ანგარიშგების საფუძვლად საწარმოს ფუნქციონირებადობის პრინციპის გამოყენებასთან, იმ შემთხვევის გარდა, როდესაც ხელმძღვანელობას განზრახული აქვს ჯგუფის ლიკვიდაცია ან საქმიანობის შეწყვეტა, ან თუ არა აქვს სხვა რეალური არჩევანი.

მეთვალყურეობაზე პასუხისმგებელი პირები პასუხისმგებელნი არიან ჯგუფის ფინანსური ანგარიშგების მომზადებისა და წარდგენის პროცესის ზედამხედველობაზე.

აუდიტორის პასუხისმგებლობა კონსოლიდირებული ფინანსური ანგარიშგების აუდიტზე

ჩვენი მიზანია, მოვიპოვოთ დასაბუთებული რწმუნება იმის თაობაზე, მოცემული კონსოლიდირებული ფინანსური ანგარიშგება შეიცავს თუ არა თაღლითობით ან შეცდომით გამოწვეულ არსებით უზუსტობას და შევადგინოთ აუდიტორის დასკვნა, რომელიც მოიცავს ჩვენს მოსაზრებას. დასაბუთებული რწმუნება მაღალი დონის რწმუნებაა, მაგრამ არ არის იმის გარანტია, რომ ასს-ების შესაბამისად ჩატარებული აუდიტი ყოველთვის გამოავლენს ნებისმიერ არსებით უზუსტობას, რომელიც არსებობს.

უზუსტობები შეიძლება გამოწვეული იყოს თაღლითობით ან შეცდომით და არსებითად მიიჩნევა იმ შემთხვევაში, თუ გონივრულ ფარგლებში, მოსალოდნელია, რომ ისინი, ცალ-ცალკე ან ერთობლივად, გავლენას მოახდენს იმ მომხმარებლების ეკონომიკურ გადაწყვეტილებებზე, რომლებიც დაყრდნობიან მოცემულ ფინანსურ ანგარიშგებას.

ასს-ების შესაბამისად აუდიტის ჩატარება ითვალისწინებს აუდიტორის მიერ პროფესიული განსჯის გამოყენებას და პროფესიული სკეპტიციზმის შენარჩუნებას აუდიტის პროცესში. გარდა ამისა, ჩვენ ასევე:

- ვადგენთ და ვაფასებთ თაღლითობით ან შეცდომით გამოწვეულ, ფინანსური ანგარიშგების არსებითი უზუსტობის რისკებს; ვგეგმავთ და ვატარებთ ამ რისკებზე რეაგირებისთვის გამოზნულ აუდიტორულ პროცედურებს და ვკრებთ ისეთ აუდიტორულ მტკიცებულებებს, რომლებიც საკმარისი და შესაფერისი იქნება ჩვენი მოსაზრების გამოთქმისთვის აუცილებელი საფუძვლის შესაქმნელად. რისკი იმისა, რომ ვერ გამოვლინდება თაღლითობით გამოწვეული არსებითი უზუსტობა უფრო მაღალია, ვიდრე რისკი იმისა, რომ ვერ გამოვლინდება შეცდომით გამოწვეული უზუსტობა, რადგან თაღლითობა შეიძლება გულისხმობდეს ფარულ შეთანხმებას, გაყალბებას, ოპერაციების განზრახ გამოტოვებას, აუდიტორისთვის წინასწარგანზრახულად არასწორი ინფორმაციის მიწოდებას ან შიდა კონტროლის იგნორირებას;
- შევისწავლით აუდიტისთვის შესაფერისი შიდა კონტროლის საშუალებებს, რათა დავეგემოთ კონკრეტული გარემოებების შესაფერისი აუდიტორული პროცედურები და არა იმ მიზნით, რომ მოსაზრება გამოვთქვათ ჯგუფის შიდა კონტროლის ეფექტიანობაზე;
- ვაფასებთ ხელმძღვანელობის მიერ გამოყენებული საადრიცხო პოლიტიკების მიზანშეწონილობას, ხელმძღვანელობის მიერ განსაზღვრული საადრიცხო შეფასებების დასაბუთებულობასა და შესაბამისი ახსნა-განმარტებების მართებულობას;
- დასკვნა გამოგვაქვს ხელმძღვანელობის მიერ ანგარიშგების საფუძვლად საწარმოს ფუნქციონირებადობის პრინციპის გამოყენების მიზანშეწონილობაზე, ხოლო მოპოვებულ აუდიტორულ მტკიცებულებებზე დაყრდნობით ვადგენთ, არსებობს თუ არა რაიმე მოვლენებთან ან პირობებთან დაკავშირებული არსებითი განუსაზღვრელობა, რაც მნიშვნელოვან ეჭვს გამოიწვევდა ჯგუფის ფუნქციონირებადობის უნართან დაკავშირებით. თუ დავასკვნით, რომ არსებობს არსებითი განუსაზღვრელობა, გვევალება ჩვენს აუდიტორის დასკვნაში ყურადღების გამახვილება ფინანსური ანგარიშგების შესაბამის შენიშვნებზე, ან, თუ ამგვარი განმარტებითი შენიშვნები ადეკვატური არ არის - ჩვენნი მოსაზრების მოდიფიცირება.
- ვაფასებთ ფინანსური ანგარიშგების წარდგენას მთლიანობაში, მის სტრუქტურასა და შინაარსს, მათ შორის, ახსნა-განმარტებებს და ასევე, ფინანსური ანგარიშგება უზრუნველყოფს თუ არა ფინანსური ანგარიშგების საფუძვლად აღებული ოპერაციებისა და მოვლენების სამართლიან წარდგენას.
- მოვიპოვებთ საკმარის აუდიტორულ მტკიცებულებას ჯგუფის ფინანსურ ინფორმაციასა და საქმიანობაზე, რათა გამოვხატოთ მოსაზრება კონსოლიდირებულ ფინანსურ ანგარიშგებაზე. ჩვენ პასუხისმგებელნი ვართ აუდიტის მიმართულებაზე, ზედამხედველობასა და შესრულებაზე. ჩვენ პასუხისმგებელნი ვართ მხოლოდ ჩვენს აუდიტორულ მოსაზრებაზე.

სხვა საკითხებთან ერთად, ჩვენ კომუნიკაცია გვაქვს მეთვალყურეობაზე პასუხისმგებელ პირებთან აუდიტის მასშტაბზე, ვადგებთ და აუდიტის შედეგად აღმოჩენილი მნიშვნელოვანი საკითხების შესახებ, მათ შორის შიდა კონტროლის ნაკლოვანებების შესახებ.

აუდიტორის დასკვნაში წარმოდგენილ შედეგებზე პასუხისმგებელი გარიგების პარტნიორი:

თამარ სუმბაძე (რეესტრში რეგისტრაციის # SARAS-A-966804)

შპს „ბიდიო აუდიტის“ სახელით

თბილისი, საქართველო

20 ნოემბერი, 2025

ფინანსური მდგომარეობის კონსოლიდირებული ანგარიშგება

2024 წლის 31 დეკემბრის მდგომარეობით

(ათას ლარში)

	შენიშვნა	31 დეკემბერი 2024	31 დეკემბერი 2023
აქტივები			
გრძელვადიანი აქტივები			
ძირითადი საშუალებები	6	-	160
არამატერიალური აქტივები	7	-	1,614
აქტივების გამოყენების უფლება		-	56
შვილობილი საწარმოს გაყიდვის შედეგად მისაღები ანაზღაურება	13	1,884	-
შეზღუდული ფული	9	-	150
		1,884	1,980
მოკლევადიანი აქტივები			
სავაჭრო და სხვა მოთხოვნები	8	-	1,306
ფული და ფულის ეკვივალენტები	9	843	708
		843	2,014
სულ აქტივები		2,727	3,994
კაპიტალი და ვალდებულებები			
კაპიტალი			
საწესდებო კაპიტალი	1	7,059	7,059
აკუმულირებული ზარალი		(5,177)	(4,899)
სულ კაპიტალი		1,882	2,160
ვალდებულებები			
გრძელვადიანი ვალდებულებები			
საიჯარო ვალდებულებები		-	36
		-	36
მოკლევადიანი ვალდებულებები			
მიღებული სესხები	11	845	-
სავაჭრო და სხვა ვალდებულებები	10	-	1,352
საგადასახადო ვალდებულებები	12	-	416
საიჯარო ვალდებულებები		-	30
		845	1,798
სულ ვალდებულებები		845	1,834
სულ ვალდებულებები და კაპიტალი		2,727	3,994

2024 წლის 31 დეკემბერს დასრულებული საანგარიშგებო წლისთვის მომზადებული კონსოლიდირებული ფინანსური ანგარიშგება ხელმძღვანელობის მხრიდან დამტკიცებულია 2025 წლის 20 ნოემბერს შემდეგი პირების მიერ:

დირექტორი

eSigned by:
არჩილ გიორგაძე: d7e54945-7279-467d-957b-2....

არჩილ გიორგაძე

Certified by Signify

არჩილ გიორგაძე

შპს „შხარა“

სრული შემოსავლის კონსოლიდირებული ანგარიშგება

2024 წლის 31 დეკემბრის მდგომარეობით დასრულებული წლისთვის

(ათას ლარში)

	შენიშვნა	2024	2023
ფინანსური ხარჯი	11	(51)	-
ზარალი ვალუტის კურსთა შორის სხვაობიდან, წმინდა		(25)	17
წმინდა მოგება (ზარალი) განგრძობითი ოპერაციებიდან		(76)	17
შეწყვეტილი ოპერაციები			
მოგება (ზარალი) შეწყვეტილი ოპერაციებიდან	13	(275)	56
მთლიანი სრული შემოსავალი (ზარალი)		(351)	73

10-26 გვერდებზე არსებული შენიშვნები წარმოადგენს მოცემული კონსოლიდირებული ფინანსური ანგარიშგების განუყოფელ ნაწილს.

შპს „შხარა“

საკუთარი კაპიტალის ცვლილებების კონსოლიდირებული ანგარიშგება

2024 წლის 31 დეკემბრის მდგომარეობით დასრულებული წლისთვის

(ათას ლარში)

	საწესდებო კაპიტალი	აკუმულირებული ზარალი	სულ
ნაშთი 2022 წლის 31 დეკემბერს	6,400	(4,972)	1,428
მთლიანი სრული შემოსავალი	-	73	73
საწესდებო კაპიტალის გაზრდა	659	-	659
ნაშთი 2023 წლის 31 დეკემბერს	7,059	(4,899)	2,160
მთლიანი სრული ზარალი	-	(351)	(351)
დაკავშირებული მხარისგან მიღებული სარგებელი (შენიშვნა 11)	-	73	73
ნაშთი 2024 წლის 31 დეკემბერს	7,059	(5,177)	1,882

10-26 გვერდებზე არსებული შენიშვნები წარმოადგენს მოცემული კონსოლიდირებული ფინანსური ანგარიშგების განუყოფელ ნაწილს.

ფულადი ნაკადების კონსოლიდირებული ანგარიშგება

2024 წლის 31 დეკემბრის მდგომარეობით დასრულებული წლისთვის

(ათას ლარში)

	2024	2023
ფულადი ნაკადები საოპერაციო საქმიანობიდან:		
მოგება (ზარალი) დაბეგვრამდე	(351)	73
კორექტირებები:		
ცვეთისა და ამორტიზაციის ხარჯი	426	228
ზარალი ვალუტის კურსთა შორის სხვაობიდან, წმინდა	19	-
ფინანსური შემოსავალი	(41)	(28)
ფინანსური ხარჯი	57	9
შვილობილი საწარმოს გაყიდვის შედეგად მიღებული ზარალი	1,986	-
	2,096	282
საოპერაციო აქტივების (ზრდა) კლება		
სავაჭრო და სხვა მოთხოვნები	(847)	(717)
საოპერაციო ვალდებულებების ზრდა (კლება)		
სავაჭრო და სხვა ვალდებულებები	583	808
საგადასახადო ვალდებულებები	564	149
ფულადი ნაკადები საოპერაციო საქმიანობიდან	2,396	522
საიჯარო ვალდებულების პროცენტის დაფარვა	(6)	(9)
მიღებული პროცენტები მიმდინარე ანგარიშებიდან	41	28
საოპერაციო საქმიანობიდან შემოსული წმინდა ფულადი სახსრები	2,431	541
ფულადი ნაკადები საოპერაციო საქმიანობიდან ფულადი სახსრები		
ძირითადი საშუალებების შეძენა	(133)	(31)
არამატერიალური აქტივების შეძენა	(1,279)	(1,282)
შვილობილი საწარმოს გაყიდვისას გასული ფული	(1,851)	-
საინვესტიციო საქმიანობაში გამოყენებული წმინდა ფულადი ნაკადები	(3,263)	(1,313)
ფულადი ნაკადები ფინანსური საქმიანობიდან:		
სესხების მიღება	816	-
მიღებული სესხების გადახდა	-	(657)
საწესდებო კაპიტალის ზრდა	-	659
საიჯარო ვალდებულებების ძირის გადახდა	(33)	(26)
ფინანსური საქმიანობიდან შემოსული (გასული) წმინდა ფულადი სახსრები	783	(24)
ფულის და ფულის ეკვივალენტების წმინდა (კლება)	(49)	(796)
ფული და ფულის ეკვივალენტები წლის დასაწყისში	858	1,673
კურსთაშორისი სხვაობის გავლენა ფულსა და ფულის ეკვივალენტებზე	34	(19)
ფული და ფულის ეკვივალენტები წლის ბოლოსათვის	843	858

შპს „შხარა“

კონსოლიდირებული ფინანსური ანგარიშგების შენიშვნები

2024 წლის 31 დეკემბრის მდგომარეობით დასრულებული წლისთვის

(ათას ლარში)

1. ზოგადი ინფორმაცია

შპს „შხარა“ (შემდგომში - „კომპანია“) რეგისტრირებულია საქართველოში 2020 წელს, საქართველოს კანონმდებლობის შესაბამისად. კომპანია რეგისტრირებულია სსიპ საჯარო რეესტრის ეროვნული სააგენტოს მიერ, საიდენტიფიკაციო ნომრით - 405424713. კომპანიის იურიდიული მისამართია საქართველო, ქ. თბილისი, ი. ჭავჭავაძის გამზირი N 60ბ.

კომპანიამ 2020 წელს დაარსა შპს „ასვლა“(405425277) და 2024 წლის 30 დეკემბრამდე წარმოადგენდა მის 100%-იან მფლობელს. კომპანიის ძირითადი საქმიანობა იყო შვილობილი საწარმოს წილის მართვა, თუმცა 2024 წლის 30 დეკემბერს კომპანიამ გაყიდა თავისი წილი შვილობილ საწარმოში. აღნიშნული კონსოლიდირებული ფინანსური ანგარიშგება მოიცავს როგორც შპს „შხარას“, ასევე, მისი შვილობილი საწარმოს (შემდგომში ერთად მოხსენიებული, როგორც ჯგუფი) ფინანსურ ანგარიშგებებს.

შვილობილის ძირითადი საქმიანობა იყო აზარტული სათამაშო ვებგვერდის (www.asvla.com) საქმიანობის წარმართვა, რომელიც მომხმარებელს სთავაზობდა ონლაინ კაზინოს მომსახურებას (სლოტები). შვილობილს ჰქონდა აღებული ლიცენზიები მიწის სლოტ აპარატებისთვის, რომელიც გახსნილია ქ. თელავში, დავით აღმაშენებლის გამზირი, N 52ა.

ჯგუფის დამფუძნებლების შესახებ ინფორმაცია შეიძლება წარმოდგენილი იყოს შემდეგნაირად:

	31 დეკემბერი 2024	31 დეკემბერი 2023
შპს „კოკომო“ (405423420)	7.33%	7.33%
შპს „ალმერ ჰოლდინგს“ (405390820)	59.73%	59.73%
შპს „შემბლსი“ (405423475)	20.53%	20.53%
შპს „აილამა“ (405382367)	12.41%	12.41%
	100%	100%

კომპანიის დირექტორია არჩილ გიორგაძე.

2. მომზადების საფუძვლები

ანგარიშგების შესაბამისობა

კონსოლიდირებული ფინანსური ანგარიშგება მომზადებულია ბუღალტრული აღრიცხვის საერთაშორისო სტანდარტების კომიტეტის (ბასსკ) მიერ გამოშვებული ფინანსური ანგარიშგების საერთაშორისო სტანდარტების, ბუღალტრული აღრიცხვის საერთაშორისო სტანდარტებისა და ინტერპრეტაციების (მთლიანობაში ფასს-ები) შესაბამისად.

კონსოლიდირებული ფინანსური ანგარიშგების ფასს-ების შესაბამისად მომზადება ითხოვს გარკვეული შეფასებებისა და გადაწყვეტილებების გაკეთებას. ის, ასევე, ჯგუფის ხელმძღვანელობისგან მოითხოვს, რომ მსჯელობის საფუძველზე ჩამოაყალიბოს და მიიღოს ყველაზე გონივრული სააღრიცხვო შეფასებები. მნიშვნელოვანი სააღრიცხვო შეფასებები და გადაწყვეტილებები მოცემულია კონსოლიდირებული ფინანსური ანგარიშგების მე-4 შენიშვნაში. ძირითადი სააღრიცხვო პოლიტიკა, რომლის შესაბამისადაც არის მომზადებული აღნიშნული კონსოლიდირებული ფინანსური ანგარიშგება, მიმოხილულია მე-3 შენიშვნაში.

შეფასების საფუძველი

წინამდებარე კონსოლიდირებული ფინანსური ანგარიშგება მომზადებულია ისტორიული ღირებულების საფუძველზე.

ჯგუფი აღრიცხვას აწარმოებს საქართველოს კანონმდებლობის დაცვით და ფინანსურ ანგარიშგებებს ამზადებს ქართულ ლარში ფინანსური ანგარიშგების საერთაშორისო სტანდარტების (ფასს) შესაბამისად.

ჯგუფის საანგარიშგებო პერიოდი მოიცავს კალენდარულ წელს 1 იანვრიდან 31 დეკემბრის ჩათვლით.

კონსოლიდირებულ ფინანსურ ანგარიშგებაში თანხები დამრგვალებულია ათას ლარში, თუ სხვაგვარად არაა მითითებული.

2. მომზადების საფუძვლები (გაგრძელება)

ფუნქციონირებადი საწარმო

კონსოლიდირებული ფინანსური ანგარიშგება მომზადებულია ჯგუფის ფუნქციონირებადი საწარმოს პრინციპის საფუძველზე იმის დაშვებით, რომ ჯგუფი განაგრძობს ფუნქციონირებას პროგნოზირებად მომავალში. ხელმძღვანელობასა და დამფუძნებლებს სურვილი აქვთ, განაგრძონ ჯგუფი საქართველოში. ხელმძღვანელობისთვის არ არის ცნობილი რაიმე განუსაზღვრელობა, რამაც შეიძლება საფრთხე შეუქმნას ჯგუფის ფუნქციონირებას. ხელმძღვანელობას სჯერა, რომ ფუნქციონირებადი საწარმოს პრინციპის გამოყენება შესაფერისია ჯგუფისთვის.

კონსოლიდაციის საფუძველი

შვილობილი კომპანია

შვილობილი არის კომპანიის მიერ კონტროლირებადი ინვესტირებული საწარმო. ინვესტორი იმ შემთხვევაში აკონტროლებს ინვესტირებულ საწარმოს, როდესაც ის ექვემდებარება რისკებს, რომლებიც დაკავშირებულია ინვესტირებულ საწარმოში მისი მონაწილეობიდან ცვალებადი შემოსავლების მიღებასთან, ან გააჩნია ინვესტირებული საწარმოდან ცვალებადი შემოსავლების მიღების უფლება და, ასევე, ამ შემოსავლებზე ზემოქმედების შესაძლებლობა, ინვესტირებულ საწარმოსთან მიმართებით თავისი უფლებამოსილების მეშვეობით. კომპანია აკეთებს იმ ინვესტირებული საწარმოს კონსოლიდაციას, რომელსაც აკონტროლებს დე ფაქტო გარემოებების საფუძველზე. კონსოლიდირებული ფინანსური ანგარიშგება მოიცავს შვილობილის ფინანსურ ანგარიშგებებს მისი (შვილობილის) კონტროლის დაწყების თარიღიდან კონტროლის დამთავრების თარიღამდე.

კომპანიის შვილობილს, რომლის ფინანსური ანგარიშგებაც მოცულია ამ კონსოლიდირებულ ფინანსურ ანგარიშგებაში, წარმოადგენს შპს „ასვლა“, რომელიც დაარსდა კომპანიის მიერ და შესაბამისად ფლობს მის 100%-იან წილს. შვილობილის დაარსების და საქმიანობის ქვეყანა არის საქართველო.

კონსოლიდაციის მიზნებისთვის ელიმინირებული ტრანზაქციები

კონსოლიდირებული ფინანსური ანგარიშგების მომზადებისას ელიმინირებულია შიდა ჯგუფური ტრანზაქციები და ამ ტრანზაქციების შედეგად წარმოქმნილი არარეალური მოგება ან ზარალი.

ახალი ფას-ების მიღება ან ცვლილებები სტანდარტებსა და ინტერპრეტაციებში

ა) 2024 წლის 1 იანვრის შემდეგ ძალაში შესული სტანდარტები და შესწორებები:

მიწოდების ფინანსური შეთანხმებები (შესწორება ბასს 7-ში და ფასს 7-ში). IASB-იმ შეიმუშავა ვიწრო მასშტაბის სტანდარტის კორექტირება, რამაც გამოიწვია შესწორება. შესწორებები მოითხოვს, საწარმოებმა მოამზადონ გარკვეული სპეციფიკური განმარტებები (ხარისხობრივი და რაოდენობრივი), რომელიც შეეხება მიწოდების ფინანსურ შეთანხმებებს. შესწორებები ასევე იძლევა მითითებებს მიწოდების ფინანსური შეთანხმებების მახასიათებლებზე.

საიჯარო ვალდებულება უკუიჯარის პირობით გაყიდვისას (ფასს 16-ის შესწორება). შესწორების თანახმად, გამყიდველ-მოიჯარეს მოეთხოვება იმგვარად განსაზღვროს „საიჯარო გადახდები“ ან „გადასინჯული საიჯარო გადახდები“, რომ არ აღიაროს გამყიდველი-მოიჯარის მიერ შენარჩუნებულ გამოყენების უფლებასთან დაკავშირებული ნებისმიერი ოდენობის მოგება ან ზარალი.

ვალდებულების კლასიფიკაცია მოკლევადიანად ან გრძელვადიანად (ბასს 1-ში შესწორება) შესწორების თანახმად, საწარმოს მოეთხოვება გააჩნდეს ვალდებულების დაფარვის გადავადების არსებითი უფლება საანგარიშგებო პერიოდის შემდგომ სულ მცირე თორმეტი თვით და აღნიშნული უფლება უნდა არსებობდეს საანგარიშგებო პერიოდის ბოლოს. ვალდებულების კლასიფიკაციაზე გავლენას არ ახდენს ალბათობა იმისა, რომ საწარმო გამოიყენებს უფლებას საანგარიშგებო პერიოდის შემდგომ მინიმუმ 12 თვით გადავადებასთან დაკავშირებით.

კოვენანტებიანი გრძელვადიანი ვალდებულებები (ბასს 1-ში შესწორება) შესწორების თანახმად, თუ საწარმოს გადავადების უფლება წარმოადგენს კონკრეტული პირობების დაკმაყოფილების საგანს, ასეთი პირობები გავლენას ახდენს მაშინ, როცა უფლება არსებობს საანგარიშგებო პერიოდის ბოლოს, საწარმომ შეასრულოს პირობები საანგარიშგებო პერიოდის დასრულებამდე ან დასრულებისას და არა მაშინ, როცა საწარმო ვალდებულია დააკმაყოფილოს პირობები საანგარიშგებო პერიოდის შემდგომ. აღნიშნული შესწორება, ასევე, განმარტავს „დაფარვის“ მნიშვნელობას, ვალდებულების მოკლევადიანად ან გრძელვადიანად კლასიფიკაციის მიზნით.

ცვლილებების გამოყენებას მნიშვნელოვანი გავლენა არ ჰქონია ჯგუფის ფინანსურ ანგარიშგებაზე.

შპს „შხარა“

კონსოლიდირებული ფინანსური ანგარიშგების შენიშვნები

2024 წლის 31 დეკემბრის მდგომარეობით დასრულებული წლისთვის

(ათას ლარში)

2. მომზადების საფუძვლები (გაგრძელება)

ბ) სტანდარტები, ინტერპრეტაციები და შესწორებები, რომლებიც ჯერ არ შესულა ძალაში

სტანდარტები და შესწორებები, რომლებიც ძალაში შედის 2025 წლის 1 იანვრიდან

გასაცვლელი სავალუტო კურსის არ არსებობა (შესწორება ბასს 21-ში) შესწორება წარმოადგენს მოთხოვნას, შეფასდეს როდის იცვლება ვალუტა სხვა ვალუტაში და როდის არა. შესწორება საწარმოს სთხოვს განსაზღვროს სპოტ სავალუტო კური, როდესაც საწარმო დაასკვნის რომ ვალუტა სხვა ვალუტაში არ იცვლება.

სტანდარტები და შესწორებები, რომლებიც ძალაში შედის 2026 წლის 1 იანვრიდან

ცვლილებები ფინანსური ინსტრუმენტების კლასიფიკაციასა და შეფასებაში (შესწორებები ფასს 9-სა და ფასს 7-ში). ცვლილებები შეეხება შემდეგ მოთხოვნებს ფასს 9-სა და ფასს 7-ში:

ფინანსური ვალდებულებების აღიარების შეწყვეტა

► ელექტრონული გადარიცხვით ანგარიშსწორებული ფინანსური ვალდებულების აღიარების შეწყვეტა;

ფინანსური აქტივის კლასიფიკაცია

► ძირითადი საკრედიტო შეთანხმების მნიშვნელოვანი ელემენტები (მხოლოდ ძირის დაფარვა და პროცენტის შეფასება – ‘SPPI ტესტი’);

► სახელშეკრულებო პირობები, რომლებიც ცვლიან ფულადი ნაკადების ვადებს ან სიდიდეს;

► ფინანსური აქტივი რეგრესის უფლების გარეშე;

► ინვესტიციები ხელშეკრულებით დაკავშირებულ ინსტრუმენტებში.

ახსნა-განმარტებითი შენიშვნები

► ინვესტიციები კაპიტალის ინსტრუმენტებში, რომლებიც შეფასებულია რეალური ღირებულებით სხვა მთლიანი შემოსავლის ასახვით;

► სახელშეკრულებო პირობები, რომლებმაც შეიძლება შეცვალონ ფულადი ნაკადების სახელშეკრულებო ვადა ან მოცულობა.

ფასს სტანდარტების წლიური გაუმჯობესება. წლიური გაუმჯობესება შემოიფარგლება ცვლილებებით, რომლებიც აზუსტებს ფასს სტანდარტების ფორმულირებას ან ასწორებს სტანდარტის მიერ გამოწვეულ მცირე არასასურველ შედეგებს.

► მცირე დაზუსტებები და გაუმჯობესება შეეხება შემდეგ სტანდარტებს: IFRS 1, IFRS 7, IFRS 9, IFRS 10 და IAS 7 (მაგალითად, ჰეჯირების აღრიცხვა, საიჯარო ვალდებულებების აღიარების შეწყვეტა).

ხელშეკრულებები, რომლებიც ეხება ბუნებაზე დამოკიდებულ ელექტროენერგიას (ადრე ელექტროენერგიის შესყიდვის ხელშეკრულებები) (ფასს 9-სა და ფასს 7-ში ცვლილებები). ცვლილებები მოიცავს:

► „საკუთარი მოხმარების“ მოთხოვნების გამოყენების დაზუსტება;

► ჰეჯირების აღრიცხვის ნებართვა, თუ ეს ხელშეკრულებები გამოიყენება ჰეჯირების ინსტრუმენტებად; და

► ახალი ახსნა-განმარტებითი შენიშვნების მოთხოვნების დამატება, რათა ინვესტორებს შეეძლოთ გააცნობიერონ ამ ხელშეკრულებების გავლენა კომპანიის ფინანსურ მაჩვენებელზე და ფულად ნაკადებზე.

სტანდარტები და შესწორებები, რომლებიც ძალაში შედის 2027 წლის 1 იანვრიდან

ფასს 18 წარდგენა და ახსნა-განმარტებითი შენიშვნები ფინანსურ ანგარიშგებაში. ფასს 18, რომელიც გამოქვეყნდა ბასს-ის მიერ 2024 წლის 9 აპრილს, ასახავს მნიშვნელოვან ახალ მოთხოვნებს თუ როგორ არის წარმოდგენილი ფინანსური ანგარიშგება, განსაკუთრებული აქცენტით შემდეგ საკითხებზე:

► მოგება-ზარალის ანგარიშგება, მათ შორის მოთხოვნები სავალდებულო შუალედური ჯამების წარდგენის შესახებ.

► ინფორმაციის დაჯგუფება და ჩაშლა, მათ შორის ზოგადი პრინციპების დანერგვა, თუ როგორ უნდა მოხდეს ინფორმაციის დაჯგუფება და ჩაშლა ფინანსურ ანგარიშგებებში.

კონსოლიდირებული ფინანსური ანგარიშგების შენიშვნები

2024 წლის 31 დეკემბრის მდგომარეობით დასრულებული წლისთვის

(ათას ლარში)

2. მომზადების საფუძვლები (გაგრძელება)

► ხელმძღვანელობის მიერ განსაზღვრულ შესრულების ზომებთან (MPMs) დაკავშირებული ინფორმაციის გამჟღავნება, რომელიც წარმოადგენს ფინანსური ეფექტურობის საზომებს, რომელიც ეფუძნება ფასს სტანდარტების მიერ მოთხოვნილ ჯამს ან შუალედურ ჯამს.

ფასს 19 შვილობილი კომპანიები საჯარო ანგარიშვალდებულების გარეშე: ახსნა-განმარტებითი შენიშვნები. 2024 წლის 9 მაისს, ბუღალტრული აღრიცხვის საერთაშორისო სტანდარტების საბჭომ (IASB) გამოსცა IFRS 19 რომელიც შესაბამის შვილობილ კომპანიებს საშუალებას აძლევს გამოიყენონ შემცირებული გამჟღავნების მოთხოვნები ფასს სტანდარტების აღიარების, შეფასებისა და წარდგენის მოთხოვნების გამოყენებისას. საწარმოს მიერ ფასს 19-ის გამოყენების დასაშვები კრიტერიუმებია:

- საწარმო არის შვილობილი კომპანია;
- საწარმოს არ გააჩნია საჯარო ანგარიშვალდებულება; და
- საწარმოს ჰყავს საბოლოო ან შუალედური მშობელი, რომელიც აწარმოებს კონსოლიდირებულ ფინანსურ ანგარიშგებას, რომელიც ხელმისაწვდომია საჯარო გამოყენებისთვის, რომელიც შეესაბამება სრულ ფასს სტანდარტებს.

თუ ეს სხვაგვარად არ არის აღწერილი, მოსალოდნელი არ არის, რომ ახალი სტანდარტები და ინტერპრეტაციები მნიშვნელოვან გავლენას იქონიებენ ჯგუფის ფინანსურ ანგარიშგებაზე.

3. არსებითი სააღრიცხვო პოლიტიკის მიმოხილვა

კონსოლიდირებული ფინანსური ანგარიშგების მომზადების პროცესში გამოყენებული არსებითი სააღრიცხვო პოლიტიკა მოცემულია ქვემოთ:

უცხოური ვალუტით განხორციელებული ოპერაციები

ა) სამუშაო და წარსადგენი ვალუტა

თავის ოპერაციებში ჯგუფი ფუნქციონალურ ვალუტად იყენებს ქართულ ლარს, რომელსაც მნიშვნელოვანი გავლენა აქვს ჯგუფის ოპერაციებზე. ამგვარად, მოცემული კონსოლიდირებული ფინანსური ანგარიშგებისათვის შეფასების ვალუტად ჯგუფი იყენებს ქართულ ლარს.

ბ) ოპერაციები და ნაშთები

უცხოურ ვალუტაში არსებული ოპერაციები გადაიანგარიშება ფუნქციონალურ ვალუტაში ოპერაციის დღეს დადგენილი გაცვლითი კურსების შესაბამისად ან იმ თარიღში არსებული კურსით, რომელშიც მოხდა გადაფასება.

უცხოურ ვალუტაში ასახული მონეტარული აქტივები და ვალდებულებები გადაიანგარიშება საქართველოს ეროვნული ბანკის მიერ დადგენილი ვალუტის გაცვლის ოფიციალური კურსის შესაბამისად, წლის ბოლოსათვის.

კონვერტაციის დროს წარმოშობილი კურსთაშორისი სხვაობები აისახება პერიოდის სრული შემოსავლის ანგარიშგებაში, როგორც „ზარალი ვალუტის კურსთა შორის სხვაობიდან, წმინდა“.

უცხოურ ვალუტაში არსებული ნაშთების კონვერტაციისთვის გამოყენებული ბოლო გაცვლითი კურსი (საქართველოს ეროვნული ბანკის მიერ დადგენილი) იყო შემდეგი:

	აშშ დოლარი
კურსი 2024 წლის 31 დეკემბრისთვის	2.8068
კურსი 2023 წლის 31 დეკემბრისთვის	2.6894

ფინანსური ინსტრუმენტები

ფინანსური აქტივები

ფასს 9-ის მიხედვით ფინანსური აქტივები შეიძლება დაკლასიფიცირდეს სამ კატეგორიად - „ამორტიზებული ღირებულებით“, „რეალური ღირებულებით, სხვა სრულ შემოსავალში ასახვით“, „რეალური ღირებულებით, მოგებაში ან ზარალში ასახვით“.

ჯგუფის ხელმძღვანელობამ შეაფასა, თუ რომელი ბიზნეს მოდელი შეესაბამება ჯგუფის ფინანსურ აქტივებს და ყველა აქტივი დააკლასიფიცირა შემდეგ კატეგორიად „ამორტიზებული ღირებულებით“.

3. არსებითი სააღრიცხვო პოლიტიკის მიმოხილვა (გაგრძელება)

ამორტიზებული ღირებულებით შეფასებული ფინანსური აქტივი

მოცემული აქტივები წარმოიქმნება მომხმარებლებისთვის საქონლისა და მომსახურების მიწოდებიდან (მაგ. სავაჭრო მოთხოვნები), ასევე მოიცავს სხვა სახის ფინანსურ აქტივებს, რომლის ფლობის მიზანია სახელშეკრულებო ფულადი ნაკადების მიღება და ეს ფულადი ნაკადები წარმოადგენს მხოლოდ ძირს და მასზე დარიცხულ პროცენტს. ისინი საწყისი აღიარებისას შეფასებულია რეალური ღირებულებით დამატებული გარიგების ის დანახარჯები, რომლებიც უშუალოდ დაკავშირებულია ფინანსური აქტივის შეძენასთან ან გამოშვებასთან და შემდგომში აღრიცხულია ამორტიზებული ღირებულებით, ეფექტური საპროცენტო განაკვეთის მეთოდის გამოყენებით, შემცირებული გაუფასურების რეზერვის მოცულობით.

მიმდინარე სავაჭრო მოთხოვნების გაუფასურების რეზერვი აღიარებულია პრაქტიკული ხასიათის გამარტივებული მიდგომის საფუძველზე, რომლის მიხედვით არსებობის მანძილზე სავაჭრო მოთხოვნების მოსალოდნელი საკრედიტო ზარალი გამოითვლება რეზერვების მატრიცის გამოყენებით. ჯგუფი საკრედიტო ზარალის წარსულ მონაცემებს იყენებს ფინანსური აქტივების არსებობის მანძილზე მოსალოდნელი საკრედიტო ზარალის შესაფასებლად.

ჯგუფი აფასებს ფინანსური აქტივებიდან ფულადი ნაკადების გადაუხდელობის ალბათობას. შემდეგ მოცემული ალბათობა მრავლდება მოსალოდნელ დანაკარგებზე, რომელიც გამოწვეულია ხელშეკრულების შეუსრულებლობის რისკიდან, რათა განისაზღვროს სავაჭრო მოთხოვნების არსებობის მანძილზე მოსალოდნელი გაუფასურების დანაკარგი. სავაჭრო მოთხოვნები აღრიცხულია წმინდა ღირებულებით, რომლის გაუფასურების რეზერვიც აღრიცხულია განცალკევებულ ანგარიშზე ხარჯის კორესპოდენციით, რომელიც აღიარებულია ხარჯად სრული შემოსავლის ანგარიშგებაში. ჯგუფი სავაჭრო მოთხოვნების სრულ ღირებულებას ჩამოწერს რეზერვის მოცულობაზე, როდესაც განსაზღვრავს რომ სავაჭრო მოთხოვნა აღარ ექვემდებარება დაბრუნებას.

ფინანსური აქტივები შეფასებული ამორტიზებული ღირებულებით მოიცავს სავაჭრო და სხვა მოთხოვნებს, ფულსა და ფულის ეკვივალენტებსა და ფინანსურ ინსტიტუტებში განთავსებულ თანხებს.

ფინანსური ვალდებულებები

მიზნიდან გამომდინარე ჯგუფი მის ფინანსურ ვალდებულებებს აკლასიფიცირებს შემდეგი კატეგორიებიდან ერთ-ერთით: რეალური ღირებულებით, მოგებაში ან ზარალში ასახვით და სხვა ფინანსურ ვალდებულებებად. ჯგუფის ყველა ფინანსური ვალდებულება დაკლასიფიცირებული აქვს „სხვა ფინანსური ვალდებულებების“ კატეგორიაში. სხვა ფინანსური ვალდებულებები მოიცავს მიღებულ სესხებს, სავაჭრო და სხვა ვალდებულებებსა და საიჯარო ვალდებულებებს.

სხვა ფინანსური ვალდებულებები საწყისი აღიარებისას შეფასებულია რეალური ღირებულებით დამატებული გარიგების ის დანახარჯები, რომლებიც უშუალოდ დაკავშირებულია ფინანსური ვალდებულებების გამოშვებასთან. მსგავსი პროცენტის მატარებელი ვალდებულებები შემდგომში აღრიცხულია ამორტიზებული ღირებულებით ეფექტური საპროცენტო განაკვეთის მეთოდის გამოყენებით, რომელიც უზრუნველყოფს მუდმივი განაკვეთით ფინანსური ვალდებულების საბალანსო ღირებულებაზე საპროცენტო ხარჯის დარიცხვას.

ნებისმიერი ფინანსური ვალდებულებისთვის საპროცენტო ხარჯი მოიცავს საწყისი გარიგების ხარჯებს და ნებისმიერ დამატებით გადასახდელს ვალდებულების გამოსყიდვისთვის.

ფინანსური აქტივებისა და ვალდებულებების დანეტება

ჯგუფი ფინანსურ აქტივებსა და ვალდებულებებს ანეტებს მაშინ, როდესაც ურთიერთჩათვლა იურიდიულად არ არის შეზღუდული და ჯგუფი გეგმავს ანგარიშსწორებას ნეტო საფუძველზე ან ფინანსური აქტივის მიღებას და ვალდებულების დაფარვას გეგმავს ერთგვაროვნად.

ფული და ფულის ეკვივალენტები

ფული და ფულის ეკვივალენტები არის აქტივები, რომლებიც იოლად კონვერტირებადია ფულად სახსრებში და ექვემდებარება ღირებულების ცვლილების უმნიშვნელო რისკს. ფული და ფულის ეკვივალენტები მოიცავს ფულს სალაროში და ფულად სახსრებს საბანკო ანგარიშებზე სამ თვემდე ვადით. სამ თვეზე მეტი ვადიანობით შეზღუდული სახსრები არ შედის ნაღდი ფულისა და ფულის ეკვივალენტებში.

3. არსებითი სააღრიცხვო პოლიტიკის მიმოხილვა (გაგრძელება)

ძირითადი საშუალებები

აღიარება და შეფასება

ძირითადი საშუალებები შეფასებულია, როგორც თვითღირებულებას გამოკლებული დაგროვილი ცვეთა და გაუფასურების ზარალი.

თვითღირებულება მოიცავს დანახარჯებს, რომელიც პირდაპირ კავშირშია აქტივის შეძენასთან. საკუთარი ძალებით შექმნილი აქტივების ღირებულება მოიცავს პირდაპირი შრომისა და გამოყენებული მასალების ღირებულებას, ასევე აქტივის სამუშაო მდგომარეობაში მოყვანასთან დაკავშირებულ ნებისმიერი სახის დანახარჯს, ნივთების დემონტაჟისა და თავიანთი ადგილმდებარეობიდან მოხსნის ღირებულებას.

ძირითადი საშუალებების ერთეულის რეალიზაციიდან მიღებული სარგებელი ან დანაკარგი განისაზღვრება, როგორც ძირითადი საშუალების წმინდა საბალანსო ღირებულებასა და გაყიდვიდან ამონაგებს შორის სხვაობა და, შესაბამისად, აისახება მოგება ან ზარალში სხვა შემოსავლების/სხვა ხარჯების ნაწილში.

შემდგომი ხარჯები

თავდაპირველი აღიარების შემდგომი კაპიტალიზებადი ხარჯები მოიცავს რემონტისა და აქტივის შეცვლის იმ დანახარჯებს, რომლებიც ახანგრძლივებს აქტივის სასიცოცხლო ვადას ან ზრდის მწარმოებლურობას. რემონტისა და შენახვის ხარჯები, რომლებიც არ აკმაყოფილებს კაპიტალიზებადი ხარჯების კრიტერიუმებს, აღიარდება იმ პერიოდის ხარჯად, როდესაც ის გაიწევა, სრული შემოსავლის ანგარიშგებაში.

ცვეთა

ცვეთა იანგარიშება ცვეთადი ღირებულებიდან, რომელიც არის აქტივის თვითღირებულებას გამოკლებული აქტივის ნარჩენი ღირებულება.

ძირითად საშუალებებს ცვეთა ერიცხება წრფივი მეთოდის გამოყენებით ცალკეული აქტივისათვის განსაზღვრული სასარგებლო მომსახურების ვადის განმავლობაში, ვინაიდან ეს საუკეთესოდ წარმოაჩენს აქტივში განთავსებული მომავალი ეკონომიკური სარგებლის მოხმარებას.

ძირითადი საშუალებების მნიშვნელოვანი ნაწილის მიმდინარე და შესადარისი პერიოდების სავარაუდო სასარგებლო მომსახურების ვადები შემდეგია:

ჯგუფი

კომპიუტერები და სხვა ტექნიკური მოწყობილობები

სასარგებლო მომსახურების
ვადა (წელი)

5-15

სასარგებლო მომსახურების ვადა და სალიკვიდაციო ღირებულება მიმოხილვა და საჭიროების შემთხვევაში კორექტირდება ყოველი საანგარიშგებო წლის ბოლოს.

არამატერიალური აქტივები

არამატერიალური აქტივები თავდაპირველად აღიარდება თვითღირებულებით და შემდგომში ამორტიზირდება წრფივი მეთოდით სასარგებლო მომსახურების ვადის განმავლობაში. ამორტიზაციის ხარჯს მოიცავს „ცვეთა და ამორტიზაცია“, სრული შემოსავლის ანგარიშგებაში. ჯგუფისამორტიზებული აქტივები მოიცავს ლიცენზიებსა და ვებ-გვერდს.

არამატერიალური აქტივის თვითღირებულება მოიცავს ისეთ დანახარჯებს, რომელიც პირდაპირ კავშირშია აქტივის შეძენასთან და/ან შექმნასთან. საკუთარი ძალებით შექმნილი აქტივების ღირებულება მოიცავს პირდაპირი შრომისა და მიღებული მომსახურების ღირებულებას.

არამატერიალური აქტივები ამორტიზირდება წრფივი მეთოდით. არამატერიალური აქტივების მნიშვნელოვანი ნაწილის მიმდინარე და შესადარისი პერიოდების სავარაუდო სასარგებლო მომსახურების ვადა განსაზღვრულია 5 წლით.

3. არსებითი სააღრიცხვო პოლიტიკის მიმოხილვა (გაგრძელება)

დაბეგვრა

მიმდინარე მოგების გადასახადი - საქართველოს საგადასახადო კოდექსის შესაბამისად მოგების გადასახადით იბეგრება წმინდა მოგების განაწილება. საანგარიშგებო პერიოდში მოგების გადასახადის მოქმედი განაკვეთი არის 15%, ტექნიკურად, გადასახადის დაანგარიშების მიზნებისთვის დასაბეგრ მოგებას მიესადაგება შემდეგი განაკვეთი - 15%/85%. მოგების გადასახადის გადახდა ხდება ფიზიკურ და არა-რეზიდენტ (როგორც ფიზიკურ, ისე იურიდიულ) პირებზე გაცემულ დივიდენდზე.

საგადასახადო კოდექსის შესაბამისად, მოგების გადასახადით იბეგრება შემდეგი ოპერაციები/გადახდები:

- დივიდენდის გადახდა
- სახელშეკრულებო და საბაზრო ფასს შორის სხვაობა
- ხარჯები, რომლებიც არ არის დაკავშირებული ეკონომიკურ საქმიანობასთან
- გადახდები, რომლებიც არ არის დაკავშირებული ეკონომიკურ საქმიანობასთან
- საქონლის უსასყიდლო მიწოდება
- ლიმიტის ზემოთ წარმომადგენლობითი ხარჯები

საქართველოში არსებული საგადასახადო სისტემის სპეციფიკურობიდან გამომდინარე, აქტივებისა და ვალდებულებების საგადასახადო და ფინანსურ ბაზებს შორის სხვაობები არ წარმოშობენ გადავადებულ საგადასახადო აქტივსა და ვალდებულებას.

გადასახადები, მოგების გადასახადის გარდა, აღიარდება მავალდებულებელი მოვლენის წარმოქმნის დროს. მავალდებულებელი მოვლენა არის მოვლენა, რომელიც ავალდებულებს ჯგუფს გადაიხადოს გადასახადი. გადასახადები დაანგარიშებულია საქართველოს საგადასახადო კოდექსის შესაბამისად. წინასწარ გადახდილი გადასახადები აღიარდება აქტივად.

გადასახადი კაზინოს თამაშებზე - ონლაინ კაზინოს საქმიანობიდან მიღებული შემოსავალი იბეგრება მოგების გადასახადის 10%-იანი განაკვეთით, მსგავსი საქმიანობიდან მიღებული მთლიანი სათამაშო შემოსავლის მიხედვით (ანუ სხვაობა მიღებულ ფსონებსა და გადახდილ მოგებას შორის).

საქართველოს საგადასახადო კოდექსის მიხედვით, რეზიდენტ იურიდიულ პირებზე დივიდენდების განაწილება გათავისუფლებულია მოგების გადასახადისგან. ასევე, 2022 წლიდან, მთლიანი სათამაშო შემოსავალი ონლაინ კაზინოდან იბეგრება 10%-ით, ონლაინ სპორტული ფსონებიდან და ონლაინ კაზინოს საქმიანობიდან მიღებული შემოსავლების შესაბამისი შემდგომი განაწილება არ იბეგრება მოგების გადასახადით.

სისტემურ-ელექტრონული სათამაშო ანგარიშიდან გატანილი თანხის გადასახადი - 2% იანი საშემოსავლო გადასახადის განაკვეთით იბეგრება სისტემურ-ელექტრონული ფორმით მოწყობილ აზარტულ ან/და მომგებიან თამაშებში (გარდა სისტემურ-ელექტრონული ფორმით მოწყობილი წამახალისებელი გათამაშებისა) მონაწილე პირის მიერ სისტემურ-ელექტრონული სათამაშო ანგარიშიდან გატანილი თანხა.

საწესდებო კაპიტალი

ჯგუფის ავტორიზებული საწესდებო კაპიტალის მოცულობა განისაზღვრება მფლობელების მიერ. ავტორიზებული კაპიტალი აღიარდება საწესდებო კაპიტალად ჯგუფის მთლიან კაპიტალში, იმდენად, რამდენადაც იგი შეესაბამება ჯგუფის მფლობელების მიერ. საწესდებო კაპიტალი აღიარებულია ჯგუფის მიერ მიღებული შემონატანების რეალური ღირებულებით.

დივიდენდები

დივიდენდები არის გაუნაწილებელი მოგების განაწილება მათი გამოცხადების პერიოდში ან პერიოდის შემდგომ.

ამონაგები

ჯგუფი აღიარებს შემოსავალს დაპირებული საქონლის ან მომსახურების მომხმარებლებისთვის გადაცემისას, იმ ანაზღაურების ოდენობით, რომლის მიღების უფლებასაც ჯგუფი მოელის ამ საქონლის ან მომსახურების გადაცემის სანაცვლოდ. შემოსავალი აღიარდება გარიგების ფასით. გარიგების ფასი არის ანაზღაურება, რომლის მიღებასაც ჯგუფი მოელის დაპირებულ საქონელზე ან მომსახურებაზე მომხმარებლისთვის კონტროლის გადაცემის შედეგად.

კონსოლიდირებული ფინანსური ანგარიშგების შენიშვნები

2024 წლის 31 დეკემბრის მდგომარეობით დასრულებული წლისთვის

(ათას ლარში)

3. არსებითი სააღრიცხვო პოლიტიკის მიმოხილვა (გაგრძელება)

ონლაინ კაზინოს თამაშებიდან (სლოტ თამაშებიდან) მიღებული შემოსავალი წარმოადგენს ჯგუფის ძირითად შემოსავალს. ფინანსური შედეგი ყოველი თამაშის დასრულებისას მყისიერად დგება.

კაზინოს თამაშებიდან მიღებული შემოსავალი წარმოადგენს წმინდა მოგებებს, ანუ სხვაობას დადებულ ფსონებსა და მომხმარებელთა მოგებებს შორის. პერიოდის განმავლობაში გაწეული, მომხმარებელთა წამახალისებელი აქციების (მათ შორის უფასო დატრიალებების „ფრისპინების“), ჯაკპოტებისა და ბონუსების ხარჯები აკლდება ონლაინ კაზინოს და წარმოდგენილია წმინდა სახით მოგების ან ზარალის და სხვა სრული შემოსავლის ანგარიშგებაში.

ხარჯების აღიარება

ხარჯების აღიარება ხდება სრული შემოსავლის ანგარიშგებაში, თუ წარმოიშობა მომავალი ეკონომიკური სარგებლის შემცირება, რაც დაკავშირებულია აქტივის შემცირებას ან ვალდებულების ზრდასთან, რომელიც შეიძლება საიმედოდ განისაზღვროს.

მომსახურების გაწევისას წარმოქმნილი ხარჯები აღიარდება შემოსავლების პროპორციულად.

ხარჯები გაწევისთანავე აღიარდება სრული შემოსავლის ანგარიშგებაში, თუ ხარჯებისგან ეკონომიკური სარგებლის მოტანა მომავალში აღარაა მოსალოდნელი ან თუ მომავალი ეკონომიკური სარგებელი აღარ აკმაყოფილებს ბალანსში აქტივად აღიარების კრიტერიუმებს.

ხელფასი და მასთან დაკავშირებული ანაზღაურება

ხელფასები, ბონუსები და არაფულადი სარგებელი აღიარდება იმ წელს, როცა თანამშრომლისგან ხდება შესაბამისი მომსახურების მიღება.

ანარიცხები, პირობითი აქტივები და ვალდებულებები

პირობითი ვალდებულებები არ აისახება ფინანსურ ანგარიშგებაში, გარდა იმ შემთხვევისა, როდესაც მოსალოდნელია ეკონომიკური სარგებლის გასვლა ჯგუფიდან, და შესაძლებელია ამ ვალდებულების საიმედოდ შეფასება. პირობითი ვალდებულებების შესახებ ინფორმაცია მოცემულია კონსოლიდირებული ფინანსური ანგარიშგების განმარტებით შენიშვნებში, გარდა ისეთი პირობითი ვალდებულებებისა, რომლებთან დაკავშირებული ეკონომიკური სარგებლის გასვლა ჯგუფიდან არ არის მოსალოდნელი.

ფინანსურ ანგარიშგებაში არ აისახება პირობითი აქტივები. მაგრამ ისეთი ფინანსური აქტივების შესახებ ინფორმაცია, რომლებთან დაკავშირებული ეკონომიკური სარგებლის შემოსვლა ჯგუფში შესაძლებელია, აისახება განმარტებით შენიშვნებში. იმ შემთხვევაში, თუ ჯგუფს აქვს რწმუნება, რომ ეკონომიკური სარგებელი შემოვა ჯგუფში, მაშინ მასთან დაკავშირებული აქტივი და შემოსავალი აისახება იმ პერიოდის ფინანსურ ანგარიშგებაში, როდესაც ადგილი ქონდა შეფასების ცვლილებას.

ანარიცხი წარმოადგენს ვალდებულებას, რომელიც დაკავშირებულია რაოდენობრივ და დროით განუსაზღვრელობებთან. ვალდებულება წარმოადგენს ჯგუფის მიმდინარე ვალდებულებას, რომელიც წარმოიშვა წარსული მოვლენის შედეგად, და რომლის დაფარვა გამოიწვევს ჯგუფიდან ეკონომიკური სარგებლის გასვლას. მავალდებულებელი მოვლენა არის მოვლენა, რომელიც წარმოშობს სამართლებრივ ან კონსტრუქციულ ვალდებულებას, რაც გულისხმობს, რომ ჯგუფს არ გააჩნია სხვა რეალური ალტერნატივა, და მან უნდა დაფაროს თავისი ვალდებულებები. სამართლებრივი ვალდებულება გამომდინარეობს:

- გარიგებიდან (ხელშეკრულებაში დაფიქსირებული ან ნაგულისხმევი პირობების გათვალისწინებით);
- კანონმდებლობიდან; ან
- სხვა სამართლებრივი ქმედებიდან.

კონსტრუქციული ვალდებულება გამომდინარეობს ჯგუფის ქმედებიდან, სადაც:

- წარსულში დადგენილი პრაქტიკიდან, ჯგუფის მიერ გამოქვეყნებული პოლიტიკიდან ან სპეციფიკური მიმდინარე ანგარიშგებიდან გამომდინარე, ჯგუფი მიაჩნის სხვა მხარეებს, რომ იგი იღებს გარკვეულ პასუხისმგებლობებს; და
- შედეგად, მესამე მხარეს ჯგუფთან მიმართებაში გააჩნია გარკვეული მოლოდინი, რომ იგი შეასრულებს ამ პასუხისმგებლობებს.

3. არსებითი სააღრიცხვო პოლიტიკის მიმოხილვა (გაგრძელება)

საანგარიშგებო პერიოდის შემდგომი მოვლენები

საანგარიშგებო პერიოდის შემდგომი მოვლენები და ფინანსური ანგარიშგების ავტორიზაციის თარიღამდე მომხდარი მოვლენები, რომლებიც დამატებით ინფორმაციას იძლევიან ჯგუფის ფინანსური პოზიციის შესახებ, აისახება ფინანსურ ანგარიშგებაში. ბალანსის შემდგომი მოვლენები, რომლებიც გავლენას არ ახდენენ ჯგუფის ფინანსურ მდგომარეობაზე ბალანსის შედგენის თარიღისთვის, მაგრამ არსებითი მნიშვნელობისაა, აისახება ფინანსური ანგარიშგების თანდართულ შენიშვნებში.

შეწყვეტილი ოპერაციები

შეწყვეტილი ოპერაცია არის საწარმოს კომპონენტი, რომელიც გაიყიდა ან კლასიფიცირებულია, როგორც გასაყიდად გამიზნული და:

- ა) წარმოადგენს საწარმოს განცალკევებულ ძირითად საკმიანობას ან ოპერაციების გეოგრაფიულ არეალს;
- ბ) არის განცალკევებული ძირითადი საკმიანობის ან ოპერაციების გეოგრაფიული არეალის გაყიდვის ერთიანი კოორდინირებული გეგმის ნაწილი; ან
- გ) არის კონკრეტულად შემდგომი გაყიდვის მიზნით შეძენილი შვილობილი საწარმო.

ჯგუფი ხელახლა წარმოადგენს შეწყვეტილი ოპერაციების ინფორმაციას, რომლებიც მოცემული იყო წინა პერიოდების ფინანსურ ანგარიშგებებში ისე, რომ მოიცვას საანგარიშგებო პერიოდის დამთავრებამდე შეწყვეტილი ყველა ოპერაცია, რომელიც შეეხება წარდგენის უკანასკნელ პერიოდს.

4. მნიშვნელოვანი სააღრიცხვო შეფასებები და გადაწყვეტილებები

ჯგუფი ახდენს გარკვეული სააღრიცხვო შეფასებებისა და გადაწყვეტილებების შემუშავებას მომავალი პერიოდებისთვის. შეფასებები და გადაწყვეტილებები შემუშავებულია გამოცდილებასა და სხვა ფაქტორებზე დაყრდნობით, რომელიც ითვალისწინებს ჯგუფის ფუნქციონირებას განსაზღვრული მომავლის პირობებში. მომავალ პერიოდებში მიღებული გამოცდილება შესაძლოა განსხვავებული იყოს ამ შეფასებებისა და დაშვებებისგან. ქვემოთ მოყვანილია ის შეფასებები და დაშვებები, რომლებიც მომდევნო ფინანსურ წელში აქტივებისა და ვალდებულებების საბალანსო ღირებულებებში არსებითი ცვლილებების რისკის მატარებელია.

ჯგუფი ახდენს შეფასებებისა და დაშვებების გადახედვას საწარმოს ფუნქციონირებადობის საფუძველზე. სააღრიცხვო შეფასების გადასინჯვის შედეგები აღიარდება იმ პერიოდში, როდესაც შეფასება იქნა გადახედილი, თუ აღნიშნული ეხება მხოლოდ ამ პერიოდს; ან გადასინჯვისა და მომავალ პერიოდებში, თუ გადახედვა ეხება ორივე, მიმდინარე და მომავალ პერიოდებს.

ქვემოთ მოცემულია ყველაზე მნიშვნელოვანი არეები, რომლებიც ხელმძღვანელობისგან მოითხოვს შეფასებებსა და დაშვებებს:

ძირითადი საშუალებებისა და არამატერიალური აქტივების სასარგებლო მომსახურების ვადები

ძირითად საშუალებებზე და არამატერიალურ აქტივებზე ცვეთის და ამორტიზაციის დარიცხვა ხდება მათი სასარგებლო მომსახურების ვადების განმავლობაში. სასარგებლო მომსახურების ვადების განსაზღვრა ხდება ხელმძღვანელობის შეფასებებზე დაყრდნობით, თუ რა პერიოდის განმავლობაში აპირებს ჯგუფი აქტივიდან სარგებლის მიღებას. პერიოდულად ხდება შეფასებების სისწორის შემოწმება. სააღრიცხვო შეფასებების ცვლილებებმა შეიძლება მნიშვნელოვანი ცვლილებები გამოიწვიოს საბალანსო ღირებულებებსა და პერიოდის სრული შემოსავლის მუხლებში.

კონსოლიდირებული ფინანსური ანგარიშგების შენიშვნები

2024 წლის 31 დეკემბრის მდგომარეობით დასრულებული წლისთვის

(ათას ლარში)

5. ფინანსური ინსტრუმენტები - რისკების მართვა

საქმიანობის პროცესში ჯგუფი დგას შემდეგი ფინანსური რისკების წინაშე:

- საკრედიტო რისკი
- ლიკვიდურობის რისკი
- საბაზრო რისკი:
 - სავალუტო რისკი

ჯგუფი დგას ფინანსური ინსტრუმენტების გამოყენებიდან წარმოქმნილი რისკების წინაშე. ეს განმარტებითი შენიშვნა აღწერს ჯგუფის მიზნებს, პოლიტიკებსა და პროცედურებს რისკების მართვისათვის და რისკების შეფასების მეთოდებს. ამ რისკებთან დაკავშირებული დამატებითი რაოდენობრივი ინფორმაცია წარმოდგენილია კონსოლიდირებულ ფინანსურ ანგარიშგებაში.

ფინანსური აქტივები და ვალდებულებები, რომლებიც არიან ლიკვიდური, ან არიან მოკლევადიანი, იგულისხმება, რომ მათი საბალანსო ღირებულება ახლოსაა რეალურ ღირებულებასთან.

საკრედიტო რისკი

საკრედიტო რისკი არის რისკი, რომ ფინანსური ინსტრუმენტის ერთი მხარე განიცდის ფინანსურ ზარალს სხვა მხარის მიერ ვალდებულების ვერ შესრულებით. საკრედიტო რისკი წარმოიქმნება ისეთი ოპერაციების შედეგად, რომელიც წარმოშობს ფინანსურ აქტივებს. ფინანსური აქტივების საბალანსო ღირებულება წარმოადგენს მაქსიმალური მოცულობის საკრედიტო რისკს.

საკრედიტო რისკის მატარებელი ფინანსური აქტივების მაქსიმალური მოცულობა შეიძლება წარმოდგენილი იყოს შემდეგნაირად:

	31 დეკემბერი 2024	31 დეკემბერი 2023
ფული და ფულის ეკვივალენტები (ნაღდი ფულის გარდა)	843	850
სხვა ფინანსური აქტივები	1,884	1,000
	2,727	1,850

საკრედიტო რისკის მატარებელი ფინანსური აქტივები ჯგუფისთვის არის სავაჭრო მოთხოვნები. 2023 წელს ჯგუფის დებიტორები წარმოადგენენ სხვადასხვა საგადახდო მომსახურების პროვაიდერებსა და ფინანსურ ინსტიტუტებს, რომლებიც წარმატებით ოპერირებდნენ ადგილობრივ ბაზარზე. ჯგუფის მიერ კლიენტებისთვის შეთავაზებულ საკრედიტო პირობებში მითითებული გადახდის ვადა არასდროს აჭარბებდა 30 დღეს, რის გამოც მნიშვნელოვნად მცირდებოდა საკრედიტო რისკი. 2024 წელს სხვა ფინანსური აქტივები წარმოადგენს შვილობილი საწარმოს გაყიდვის შედეგად წარმოქმნილ გადავადებულ ანაზღაურებას. დეტალებისთვის იხილეთ მე-13 შენიშვნა.

ლიკვიდურობის რისკი

ლიკვიდურობის რისკი არის რისკი, რომ ჯგუფს შეექმნება სირთულეები მიმდინარე ფინანსური ვალდებულებების დაფარვის საკონტრაქტო პირობების შესრულებისას, რამაც შესაძლოა მნიშვნელოვანი გავლენა იქონიოს ჯგუფის ფუნქციონირებაზე.

ლიკვიდურობის რისკის გასაწესებად, ხელმძღვანელობა რეგულარულად აკონტროლებს მომავალ ფულად ნაკადებს. ლიკვიდურობის ანალიზი მოცემულია ქვემოთ მოყვანილ ცხრილში. ქვემოთ მოყვანილი ინფორმაცია დაფუძნებულია ხელმძღვანელობის მიერ მომზადებულ ინფორმაციაზე.

ლიკვიდურობის ანალიზი 2024 წლის 31 დეკემბრის მდგომარეობით შეიძლება წარმოდგენილი იყოს შემდეგნაირად:

ფინანსური ვალდებულებები	შენიშვნა	1 წლამდე	1 წლიდან 5 წლამდე	სულ
მიღებული სესხები	11	845	-	845

2025 წელს მიღებული სესხების ვადიანობა შეიცვალა. დეტალებისთვის იხილეთ მე-16 შენიშვნა.

კონსოლიდირებული ფინანსური ანგარიშგების შენიშვნები

2024 წლის 31 დეკემბრის მდგომარეობით დასრულებული წლისთვის

(ათას ლარში)

5. ფინანსური ინსტრუმენტები - რისკების მართვა (გაგრძელება)

ლიკვიდურობის ანალიზი 2023 წლის 31 დეკემბრის მდგომარეობით შეიძლება წარმოდგენილი იყოს შემდეგნაირად:

ფინანსური ვალდებულებები	შენიშვნა	1 წლამდე	1 წლიდან 5 წლამდე	სულ
სხვა ფინანსური ვალდებულებები	10	1,134	-	1,134
საიჯარო ვალდებულებები		36	36	72
		1,170	36	1,206

საბაზრო რისკი

საბაზრო რისკი არის რისკი იმისა, რომ ფინანსური ინსტრუმენტის ღირებულება შემცირდება საბაზრო ფაქტორების ცვლილების გავლენით. საბაზრო რისკი შეიძლება წარმოიშვას ჯგუფის მიერ პროცენტიანი, სავაჭრო ან უცხოურ ვალუტაში არსებული ფინანსური ინსტრუმენტების ფლობის შედეგად. არსებობს რისკი, რომ ფინანსური ინსტრუმენტის რეალური ღირებულება ან მომავალი ფინანსური ნაკადები შეიცვლება საპროცენტო განაკვეთის ცვლილებისა და (საპროცენტო რისკი) უცხოური ვალუტის გაცვლითი კურსის გამო (სავალუტო რისკი).

ჯგუფი არ ფლობს პროცენტიან ფინანსურ ინსტრუმენტებს. შესაბამისად, არ აქვს საპროცენტო რისკი.

სავალუტო რისკი

სავალუტო რისკი წარმოიშობა ერთი ვალუტის მიმართ მეორის ფასის ცვლილებით. სავალუტო რისკი არანაკლებ გავლენას ახდენს ჯგუფის ფინანსური რისკების განსაზღვრაში. ჯგუფი ატარებს სავალუტო რისკს, რომელიც დაკავშირებულია მის ფინანსურ მდგომარეობასა და ფულად ნაკადებთან.

სავალუტო რისკის ზეგავლენა ჯგუფზე 2024 წლის 31 დეკემბრის მდგომარეობით მოცემულია შემდეგ ცხრილში:

ფინანსური აქტივები	შენიშვნა	აშშ დოლარი	სულ
ფული და ფულის ექვივალენტები	9	843	843
სხვა ფინანსური აქტივები	13	1,884	1,884
		2,727	2,727
ფინანსური ვალდებულებები			
მიღებული სესხები	11	845	845
		845	845
ღია საბალანსო პოზიცია		1,882	1,882

სავალუტო რისკის ზეგავლენა ჯგუფზე 2023 წლის 31 დეკემბრის მდგომარეობით მოცემულია შემდეგ ცხრილში:

ფინანსური აქტივები	შენიშვნა	ლარი	აშშ დოლარი	სხვა ვალუტა	სულ
ფული და ფულის ექვივალენტები	9	732	120	6	858
სხვა ფინანსური აქტივები	8	1,000	-	-	1,000
		1,732	120	6	1,858
ფინანსური ვალდებულებები					
სხვა ფინანსური ვალდებულებები	10	973	150	11	1,134
საიჯარო ვალდებულება		66	-	-	66
		1,039	150	11	1,200
ღია საბალანსო პოზიცია		693	(30)	(5)	658

შპს „მზარა“

კონსოლიდირებული ფინანსური ანგარიშგების შენიშვნები

2024 წლის 31 დეკემბრის მდგომარეობით დასრულებული წლისთვის

(ათას ლარში)

5. ფინანსური ინსტრუმენტები - რისკების მართვა (გაგრძელება)

სავალუტო რისკისადმი მგრძნობელობა

მოცემული ცხრილი წარმოადგენს ჯგუფის მგრძნობელობას უცხოური ვალუტის ლართან მიმართებაში 20%-ით ცვლილების შემთხვევაში. 20% არის მგრძნობიარობის განაკვეთი, რომელიც გამოიყენება ხელმძღვანელობის მიერ სავალუტო რისკის შიდა კონტროლისთვის და წარმოადგენს სავალუტო კურსის სხვაობის შეფასებას. მგრძნობელობის ანალიზი მოიცავს მხოლოდ უცხოურ ვალუტაში გამოხატულ დაუფარავ ფულად მუხლებს და აკორექტირებს მათ გადაფასებას პერიოდის ბოლოს სავალუტო კურსების გონივრულობის ფარგლებში მოსალოდნელი ცვლილების მიხედვით.

წმინდა მოგებასა და კაპიტალზე ფინანსური აქტივებისა და ვალდებულებების გადაფასების ეფექტი მნიშვნელოვან სავალუტო ნაშთებზე წარმოდგენილია შემდეგნაირად:

სავალუტო რისკის მგრძნობელობა	31 დეკემბერი 2024		31 დეკემბერი 2023	
	+20%	-20%	+20%	-20%
აშშ დოლარის ეფექტი	376	(376)	(7)	7

კაპიტალის მართვა

ჯგუფის მიზანი კაპიტალის მხარდაჭერის პროცესში არის შემდეგი:

- უზრუნველყოს ჯგუფის საქმიანობის უწყვეტად ფუნქციონირება; და
- ჯგუფის მფლობელებს მოუტანოს შესაბამისი ამოგება.

ჯგუფი განსაზღვრავს კაპიტალის სიდიდეს რისკის პროპორციულად. ჯგუფი მართავს და აკორექტირებს კაპიტალის სტრუქტურას ეკონომიკური მდგომარეობის ცვლილებებისა და ძირითადი აქტივებისათვის მახასიათებელი რისკების გათვალისწინებით.

6. ძირითადი საშუალებები

	კომპიუტერები და სხვა ტექნიკური მოწყობილობები	თამაშისთვის საჭირო აღჭურვილობა	სულ
ისტორიული ღირებულება			
ბალანსი 2022 წლის 31 დეკემბერი	199	16	215
შემოსვლა	35	-	35
გასვლა	(6)	-	(6)
ბალანსი 2023 წლის 31 დეკემბერი	228	16	244
შემოსვლა	22	111	133
გასვლა	(10)	-	(10)
შვილობილი საწარმოს გაყიდვა (შენიშვნა 13)	(240)	(127)	(367)
ბალანსი 2024 წლის 31 დეკემბერი	-	-	-
დაგროვილი ცვეთა			
ბალანსი 2022 წლის 31 დეკემბერი	(43)	(2)	(45)
ცვეთა	(40)	(1)	(41)
გასული ძირითადი საშუალების ცვეთა	2	-	2
ბალანსი 2023 წლის 31 დეკემბერი	(81)	(3)	(84)
ცვეთა	(43)	(4)	(47)
გასული ძირითადი საშუალების ცვეთა	4	-	4
შვილობილი საწარმოს გაყიდვა (შენიშვნა 13)	120	7	(127)
ბალანსი 2024 წლის 31 დეკემბერი	(120)	(7)	(127)
წმინდა საბალანსო ღირებულება			
2023 წლის 31 დეკემბერი	147	13	160
2024 წლის 31 დეკემბერი	-	-	-

შპს „შხარა“

კონსოლიდირებული ფინანსური ანგარიშგების შენიშვნები

2024 წლის 31 დეკემბრის მდგომარეობით დასრულებული წლისთვის

(ათას ლარში)

7. არამატერიალური აქტივები

ისტორიული ღირებულება	ლიცენზიები	ვებსაიტი- სათამაშო პლატფორმა	სულ
2022 წლის 31 დეკემბერი	4	532	536
შემოსვლა	-	1,282	1,282
2023 წლის 31 დეკემბერი	4	1,814	1,818
შემოსვლა	-	1,279	1,279
შვილობილი საწარმოს გაყიდვა (შენიშვნა 13)	(4)	(3,093)	(3,097)
2024 წლის 31 დეკემბერი	-	-	-
დაგროვილი ამორტიზაცია			
2022 წლის 31 დეკემბერი	-	(44)	(44)
ამორტიზაცია	-	(160)	(160)
2023 წლის 31 დეკემბერი	-	(204)	(204)
ამორტიზაცია	(1)	(351)	(352)
შვილობილი საწარმოს გაყიდვა (შენიშვნა 13)	1	555	556
2024 წლის 31 დეკემბერი	-	-	-
წმინდა საბალანსო ღირებულება			
2023 წლის 31 დეკემბერი	4	1,610	1,614
2024 წლის 31 დეკემბერი	-	-	-

8. სავაჭრო და სხვა მოთხოვნები

	31 დეკემბერი 2023
ფინანსური მოთხოვნები	
მოთხოვნები საგადახდო მომსახურების პროვაიდერების მიმართ	1,000
	1,000
არაფინანსური მოთხოვნები	
წინასწარ გადახდილი სალიცენზიო და აზარტული თამაშების მოსაკრებელი	306
	1,306

ჯგუფის დებიტორები წარმოადგენდნენ სხვადასხვა საგადახდო მომსახურების პროვაიდერებსა და ფინანსური ინსტიტუტებს, რომლებიც წარმატებით ოპერირებდნენ ადგილობრივ ბაზარზე. ისინი ფარავენ ვალდებულებას, როგორც წესი, რამდენიმე დღეში. აღნიშნულის გამო მათი გაუფასურების რისკი არაარსებითად იქნა მიჩნეული.

მოთხოვნების დაყოფა ვალუტების მიხედვით წარმოდგენილია მე-5 შენიშვნაში.

შპს „შხარა“

კონსოლიდირებული ფინანსური ანგარიშგების შენიშვნები

2024 წლის 31 დეკემბრის მდგომარეობით დასრულებული წლისთვის

(ათას ლარში)

9. ფული და ფულის ეკვივალენტები

	31 დეკემბერი 2024	31 დეკემბერი 2023
ნაღდი ფული	-	8
ფული ბანკში ეროვნულ ვალუტაში	-	574
ფული ბანკში უცხოურ ვალუტაში	843	126
შეზღუდული ფული*	-	150
	843	858

ჯგუფის არცერთი ნაშთი არ არის ვადაგადაცილებული. ბანკში არსებული ნაშთებისთვის ზარალის რეზერვი არ აღიარებულა, მისი მოკლევადიანი ხასიათის გამო.

ფული და ფულის ეკვივალენტების დაყოფა ვალუტების მიხედვით წარმოდგენილია მე-5 შენიშვნაში.

*შეზღუდულ ფულს წარმოადგენდა სარეზერვო თანხები სს „საქართველოს ბანკსა“ და სს „თიბისი ბანკში“ 100,000 ლარისა და 50,000 ლარის ოდენობით, შესაბამისად. აღნიშნული რეზერვები შექმნილია ბანკების მინიმალური მოთხოვნის შესაბამისად ელექტრონული კომერციის ანგარიშებზე, რომლებზეც თანხის ჩარიცხვა და გატანა ხდება მოთამაშეების მიერ.

ჯგუფს ერიცხება საპროცენტო შემოსავალი მიმდინარე ანგარიშებზე. დარიცხულმა საპროცენტო შემოსავალმა 2024 წელს შეადგინა 41 ათასი ლარი (2023: 28 ათასი ლარი).

10. სავაჭრო და სხვა ვალდებულებები

	31 დეკემბერი 2023
ფინანსური ვალდებულებები	
ვალდებულებები თამაშის მომწოდებლებთან	602
სავაჭრო და საოპერაციო ვალდებულებები	321
ჯარიმის რეზერვი*	110
სხვა ვალდებულებები	101
	1,134
არაფინანსური ვალდებულებები	
მომხმარებლების მიერ დაგროვილი მონეტები**	218
	1,352

* დეტალებისთვის იხილეთ მე-14 შენიშვნა.

** მომხმარებლების მიერ დაგროვილი მონეტები წარმოადგენდა მოთამაშეების მიერ თამაშის პროცესში დაგროვილ მონეტებს, რომელთა გადაცვლა შესაძლებელია პრიზებში ან ფრისპინის მომსახურებაში.

სავაჭრო და სხვა ვალდებულებების დაყოფა ვალუტების მიხედვით წარმოდგენილია მე-5 შენიშვნაში.

11. მიღებული სესხები

მიღებული სესხები შეიძლება წარმოდგენილი იყოს შემდეგნაირად:

	დაფარვის თარიღი	ნომინალური საპროცენტო განაკვეთი	ეფექტური საპროცენტო განაკვეთი	ვალუტა	31 დეკემბერი 2024
Sour Web Investments	25 მარტი 2025	0%	9.84%	აშშ დოლარი	286
Carbon Group Limited	15 აპრილი 2025	0%	9.84%	აშშ დოლარი	287
Paul Darren Judge	30 მაისი 2025	0%	9.84%	აშშ დოლარი	272
					845

შპს „შხარა“

კონსოლიდირებული ფინანსური ანგარიშგების შენიშვნები

2024 წლის 31 დეკემბრის მდგომარეობით დასრულებული წლისთვის

(ათას ლარში)

11. მიღებული სესხები (გაგრძელება)

2025 წელს სესხების ვადიანობა შეიცვალა. დეტალებისთვის იხილეთ მე-16 შენიშვნა.

მიღებული სესხების რეკონსილაცია 2024 და 2023 წლის 31 დეკემბრის დასრულებული წლისთვის წარმოდგენილია შემდეგნაირად:

	2024	2023
1 იანვარი	-	676
მონეტარული ცვლილებები		
წლის განმავლობაში მიღებული სესხები	816	-
ძირის გადახდა	-	(657)
არამონეტარული ცვლილებები		
საპროცენტო ხარჯის დარიცხვა	51	-
დაკავშირებული მხარეებისგან მიღებული სარგებელი *	(73)	-
საკუთრო სხვაობის ეფექტი	51	(19)
31 დეკემბერი	845	-

* სხვაობა ნომინალურ და საბაზრო საპროცენტო განაკვეთებს შორის აღიარებული როგორც დაკავშირებული მხარეებისგან მიღებული სარგებელი და შესაბამისად, წარდგენილია როგორც კაპიტალის ოპერაცია.

12. საგადასახადო ვალდებულებები

საქართველოს საგადასახადო კანონმდებლობის მიხედვით, ჯგუფმა გადასახადები უნდა გადაიხადოს გაერთიანებულ ანგარიშზე. შედეგად, 2024 და 2023 წლის 31 დეკემბრის მდგომარეობით ჯგუფი წარადგენს საგადასახადო აქტივსა და ვალდებულებას ნეტო ღირებულებით, თანხით 0 ლარი და 416 ათასი ლარი (ვალდებულება), შესაბამისად.

13. მოგება (ზარალი) შეწყვეტილი ოპერაციებიდან

2024 წლის დეკემბერში ჯგუფმა გაყიდა შპს "ასვლაში" კუთვნილი 100%-იანი წილი დაკავშირებულ მხარე შპს "ენგური ვეჩერს ლიმიტედზე". შპს "ასვლას" ძირითადი საქმიანობაა ონლაინ აზარტული თამაშები. მისი მთავარი პროდუქტებია: ონლაინ სათამაშო აპარატებით თამაშები. სარეალიზაციო თანხამ შეადგინა 800 ათასი აშშ დოლარი, რომლის გადახდა უნდა განხორციელდეს ხელშეკრულების დადებიდან ორი წლის განმავლობაში.

შვილობილის გაყიდვიდან წარმოქმნილი ზარალი წარმოდგენილია შემდეგნაირად:

	2024
მისაღები ანაზღაურება	1,884
გაყიდული წმინდა აქტივები:	
ძირითადი საშუალებები	(240)
არამატერიალური აქტივები	(2,541)
სავაჭრო და სხვა მოთხოვნები	(2,153)
აქტივების გამოყენების უფლება	(29)
ფული და ფულის ეკვივალენტები	(1,701)
შეზღუდული ფული	(150)
სავაჭრო და სხვა ვალდებულებები	1,931
საგადასახადო ვალდებულებები	980
საიჯარო ვალდებულებები	33
ზარალი შვილობილის გაყიდვიდან	(1,986)

შპს „შხარა“

კონსოლიდირებული ფინანსური ანგარიშგების შენიშვნები

2024 წლის 31 დეკემბრის მდგომარეობით დასრულებული წლისთვის

(ათას ლარში)

13. მოგება (ზარალი) შეწყვეტილი ოპერაციებიდან

შეწყვეტილი ოპერაციის შედეგები შეიძლება წარმოდგენილი იყოს შემდეგნაირად:

	2024	2023
ამონაგები	34,280	20,528
თამაშების მომწოდებლის ხარჯები	(6,355)	(5,073)
გადასახადები და მოსაკრებლები ტოტალიზატორისა და სხვა	(8,767)	(4,209)
აზარტული თამაშების ფსონებზე	(4,553)	(3,141)
ხელფასები და თანამშრომელთა სხვა სარგებელი	(4,463)	(2,730)
მარკეტინგული ხარჯები	(3,321)	(2,188)
საკომისიოები გადახდის სისტემების პროვაიდერებისთვის	(426)	(228)
IT სერვისები და ტექნიკური მხარდაჭერა	(2,853)	(2,104)
სხვა საოპერაციო ხარჯები	(1,872)	(801)
საოპერაციო მოგება	1,670	54
ფინანსური შემოსავალი (ხარჯი), წმინდა	35	19
ზარალი ვალუტის კურსთა შორის სხვაობიდან, წმინდა	6	-
მთლიანი სრული შემოსავალი	1,711	73
ზარალი შვილობილის გაყიდვიდან	(1,986)	-
მთლიანი ზარალი	(275)	73

შპს "ასვლას" ფულადი ნაკადების შესახებ ინფორმაცია სრული საანგარიშგებო პერიოდისთვის წარმოდგენილია შემდეგნაირად:

	2024	2023
საოპერაციო საქმიანობა	2,431	541
საინვესტიციო საქმიანობა	(1,412)	(1,313)
საფინანსო საქმიანობა	(33)	(26)
წმინდა ზრდა/(შემცირება)	986	(798)

14. პირობითი ვალდებულებები

გადასახადები - საქართველოს სამეწარმეო და საგადასახადო კანონმდებლობაში არსებობს ისეთი მუხლები, რომელთა ინტერპრეტაცია სხვადასხვაგვარადაა შესაძლებელი. აქედან გამომდინარე, იმ შემთხვევაში, თუ რომელიმე კონკრეტული ქმედება, რომელიც ეფუძნება ხელმძღვანელობის მიერ ჯგუფის ბიზნეს საქმიანობის თავისებურად განსჯას, არ იქნება მოწონებული საგადასახადო ორგანოების მიერ, ჯგუფს შეიძლება დაერიცხოს დამატებითი გადასახადები, ჯარიმები და საურავები. ჯგუფის ხელმძღვანელობა მიიჩნევს, რომ მათ გადაიხადეს საგადასახადო კანონით მოთხოვნილი გადასახადები და დამატებითი რეზერვების შექმნა ფინანსურ ანგარიშგებაში არ არის საჭირო. საგადასახადო ორგანოებს შეუძლიათ ჯგუფის ბოლო სამი წლის მონაცემების შემოწმება.

საოპერაციო გარემო - განვითარებადი ბაზრები, როგორიცაა საქართველო, ექვემდებარება სხვადასხვა რისკებს, სხვა განვითარებულ ქვეყნებთან შედარებით, როგორიცაა ეკონომიკური, პოლიტიკური, იურიდიული და საკანონმდებლო რისკები. კანონები და რეგულაციები, რომლებიც გავლენას ახდენს საქართველოში ბიზნესზე, სწრაფად იცვლება, საგადასახადო და მარეგულირებელი ჩარჩოები კი სხვადასხვაგვარ ინტერპრეტაციას ექვემდებარება. საქართველოს მომავალ ეკონომიკურ მიმართულებაზე დიდ გავლენას ახდენს მთავრობის მიერ მიღებული ფისკალური და მონეტარული პოლიტიკა, იურიდიულ, მარეგულირებელ და პოლიტიკურ გარემოში განვითარებულ მოვლენებთან ერთად.

შპს „მხარა“

კონსოლიდირებული ფინანსური ანგარიშგების შენიშვნები

2024 წლის 31 დეკემბრის მდგომარეობით დასრულებული წლისთვის

(ათას ლარში)

14. პირობითი ვალდებულებები (გაგრძელება)

სასამართლო დავები - 2023 წლის 31 დეკემბრის მდგომარეობით ჯგუფს ჰქონდა ერთი მიმდინარე სასამართლო დავა. 2023 წელს ჯგუფი, კერძოდ კი, შვილობილი კომპანია დაჯარიმდა ერთ-ერთი სოციალური ქსელის საშუალებით რეკლამის გავრცელების მუხლით, თუმცა შვილობილი აღნიშნულს არ ეთანხმება და შესაბამისად წამოიწყო სასამართლო დავა. მიუხედავად იმისა, რომ ჯგუფი არ ეთანხმება ჯარიმას, მაინც არსებობს შესაძლებლობა, რომ ჯგუფი დაჯარიმდეს. შესაბამისად, შექმნილია ანარიცხი, რომლის მოცულობაც შეადგენს 110,000 ლარს.

ჯგუფს არ ჰქონია სხვა არსებითი სასამართლო დავები 2024 და 2023 წლის 31 დეკემბრის მდგომარეობით.

15. ოპერაციები დაკავშირებულ მხარეებთან

2024 წლის 31 დეკემბრის მდგომარეობით და დასრულებული წლისთვის დაკავშირებულ მხარეებთან ნაშთები და ოპერაციები წარმოდგენილია შემდეგნაირად:

ფინანსური ანგარიშგების არე	სხვა დაკავშირებული მხარე	სულ
პროგრამული მხარდაჭერის ხარჯი	(648)	(648)
სხვა საოპერაციო ხარჯები	(381)	(381)
საპროცენტო ხარჯები	(51)	(51)

ფინანსური ანგარიშგების არე	სხვა დაკავშირებული მხარე	სულ
არამატერიალური აქტივების შემოსვლა	1,279	1,279
მოთხოვნა შვილობილის წილის გაყიდვიდან	1,884	1,884
მიღებული სესხები	845	845

2023 წლის 31 დეკემბრის მდგომარეობით და დასრულებული წლისთვის დაკავშირებულ მხარეებთან ნაშთები და ოპერაციები წარმოდგენილია შემდეგნაირად:

ფინანსური ანგარიშგების არე	სხვა დაკავშირებული მხარე	სულ
სხვა საოპერაციო ხარჯები	(239)	(239)

ფინანსური ანგარიშგების არე	სხვა დაკავშირებული მხარე	სულ
არამატერიალური აქტივების შემოსვლა	1,282	1,282

უმაღლესი ხელმძღვანელობის გასამრჯელო შეიძლება წარმოდგენილი იყოს შემდეგნაირად:

	2024	2023
უმაღლესი ხელმძღვანელობის გასამრჯელო		
მოკლევადიანი სარგებელი	(1,614)	(924)

16. საანგარიშგებო პერიოდის შემდგომი მოვლენები

კომპანიის სამივე მიღებული სესხის ვადა 2025 წელს დამატებით ორი წლით გახანგრძლივდა, თუმცა 2025 წლის ნოემბერში სრულად ჩაიფარა ორი მათგანი.

2025 წლის ივლისში კომპანიამ გასცა 0%-იანი სესხი შპს „ასვლაზე“ 100 ათასი აშშ დოლარის ოდენობით ერთი წლის ვადით, თუმცა სესხი 2025 წლის ოქტომბერში ნაადრევად დაიფარა.

**შპს „შხარა“ და მისი
შვილობილი კომპანია**

**კონსოლიდირებული მმართველობის ანგარიშგება
2024 წლის 31 დეკემბერს დასრულებული წლისთვის**

სარჩევი

1. ჯგუფის შესახებ	29
2. ჯგუფის ძირითადი საქმიანობა.....	30
3. საკანონმდებლო მოთხოვნები და რეგულაციები	31
4. ფინანსური და არაფინანსური მაჩვენებლები	32
5. ჯგუფის ძირითადი რისკები	34

1. ჯგუფის შესახებ

შპს „შხარა“ (შემდგომში - „კომპანია“) რეგისტრირებულია საქართველოში 2020 წელს, საქართველოს კანონმდებლობის შესაბამისად. კომპანია რეგისტრირებულია სსიპ საჯარო რეესტრის ეროვნული სააგენტოს მიერ, საიდენტიფიკაციო ნომრით - 405424713. კომპანიის იურიდიული მისამართია საქართველო, ქ. თბილისი, ი. ჭავჭავაძის გამზირი N 608.

კომპანიამ 2020 წელს დაარსა შპს „ასვლა“ (405425277) და 2024 წლის 30 დეკემბრამდე წარმოადგენდა მის 100%-იან მფლობელს. კომპანიის ძირითადი საქმიანობა იყო შვილობილი საწარმოს წილის მართვა, თუმცა 2024 წლის 30 დეკემბერს კომპანიამ გაყიდა თავისი წილი შვილობილ საწარმოში. შესაბამისად, კონსოლიდირებული ფინანსური ანგარიშგება მოიცავს როგორც შპს „შხარას“, ასევე, მისი შვილობილი საწარმოს (შემდგომში ერთად მოხსენიებული, როგორც ჯგუფი) ფინანსურ ანგარიშგებებს.

შვილობილის ძირითადი საქმიანობა იყო აზარტული სათამაშო ვებგვერდის (www.asvla.com) საქმიანობის წარმართვა, რომელიც მომხმარებელს სთავაზობდა ონლაინ კაზინოს მომსახურებას (სლოტები). შვილობილს ჰქონდა აღებული ლიცენზიები მიწის სლოტ აპარატებისთვის, რომელიც გახსნილია ქ. თელავში, დავით აღმაშენებლის გამზირი, N 52ა.


ჯგუფის დამფუძნებლების შესახებ ინფორმაცია შეიძლება წარმოდგენილი იყოს შემდეგნაირად:

	31 დეკემბერი 2024	31 დეკემბერი 2023
შპს „კოკომო“ (405423420)	7.33%	7.33%
შპს „ალმერ ჰოლდინგს“ (405390820)	59.73%	59.73%
შპს „შემბლსი“ (405423475)	20.53%	20.53%
შპს „აილამა“ (405382367)	12.41%	12.41%
	100%	100%

კომპანიის დირექტორია არჩილ გიორგაძე.

ორგანიზაციული სტრუქტურა

შვილობილი კომპანიის წილის გაყიდვამდე ორგანიზაციული სტრუქტურა გამოიყურებოდა შემდეგნაირად:



2. ჯგუფის ძირითადი საქმიანობა

2.1 ბიზნეს საქმიანობა

ჯგუფის ძირითად საქმიანობას წარმოადგენდა აზარტული თამაშების სისტემურ-ელექტრონული ფორმით მოწყობა, რომელიც მომხმარებელს სთავაზობდა ონლაინ კაზინოს თამაშების პლატფორმას ინტერნეტ ვებგვერდ - www.asvla.com-ის მეშვეობით.

ჯგუფი აგრეთვე ახორციელებდა საქმიანობას მიწის ობიექტზე, ქ.თელავში მდებარე სლოტ კლუბის მეშვეობით.

მომხმარებლებისგან ფულადი სახსრების მიღება/გაცემას ჯგუფი ახორციელებდა საბანკო-საფინანსო ინსტიტუტების სერვისების, საგადახდელო არხების, მომსახურე საღაროების და ქ. თელავში მდებარე საღაროს მეშვეობით.

2.2 ბაზრის მიმოხილვა

სათამაშო ბიზნესი საქართველოში საკმაოდ კარგად არის განვითარებული და ქვეყნის ეკონომიკის მნიშვნელოვანი კონტრიბუტორს წარმოადგენს.

სათამაშო ბიზნესის ეკონომიკური სარგებელია:

- მეტი სამუშაო ადგილი
- სათამაშო ბიზნესის მოსაკრებლიდან მიღებული შემოსავალი ბევრი ქალაქისა და მუნიციპალიტეტის საკუთარი შემოსავლების მნიშვნელოვანი ნაწილია
- სათამაშო ბიზნესი ტურიზმის განვითარებასთან მჭიდროდ არის დაკავშირებული, ტურიზმი კი ქართული ეკონომიკის ერთ-ერთი მნიშვნელოვანი სექტორია.

დაარსების დღიდან ჯგუფის ოპერაციები შემოიფარგლებოდა საქართველოს ბაზრით, რომელიც თავის მხრივ, ხასიათდება დიდი კონკურენციითა და ზოგადად, საქართველოს ეკონომიკისათვის დამახასიათებელი ძირითადი ნიშან-თვისებებით. საქართველოში სათამაშო ბიზნესი კარგად არის განვითარებული რაც ეკონომიკის მნიშვნელოვან სექტორს წარმოადგენს. აღნიშნულ სეგმენტზე გავლენას ახდენს ეკონომიკური ფაქტორები და ფინანსური ბაზრები, ასევე საკანონმდებლო ცვლილებები მარეგულირებელი ორგანოების მხრიდან. საქართველოში სათამაშო ბიზნესის განვითარება განაპირობებს მაღალ კონკურენციას. 2024 წელში ბაზარზე წარმოდგენილი იყვნენ ძირითადად შემდეგი ოპერატორები:

- კრისტალბეთი;
- აჭარაბეთი;
- კროკობეთი;
- ევროპაბეთი;
- ბეთლაივი;
- ლიდერბეთი.

2.3 ჯგუფის განვითარება

შპს „ასვლას“ წილის გაყიდვის შემდგომ ჯერ არ დასახულა განვითარების კონკრეტული გეგმა.

2.4 ინფორმაცია ჯგუფის ფილიალების საქმიანობის შესახებ

ჯგუფის საქმიანობა ხორციელდება სრულად დისტანციურ რეჟიმში. ჯგუფი 2024 წლის 30 დეკემბრამდე ფლობდა მხოლოდ ერთ ფილიალს თელავში, სადაც განთავსებული იყო სლოტ აპარატები.

2.5 კვლევებისა და განვითარების სფეროში ჩატარებული ღონისძიებების მიმოხილვა

ჯგუფს 2024 და 2023 წლებში არ ჩაუტარებია რაიმე კვლევები და მსგავსი ღონისძიებები.

3. საკანონმდებლო მოთხოვნები და რეგულაციები

იმ პერიოდში, როდესაც შპს „შხარა“ ფლობდა შვილობილ კომპანიას, რეგულაციური იყო შემდეგი საკანონმდებლო მოთხოვნები და რეგულაციები:

3.1 ნებართვები და ლიცენზიები

საქართველოს მოქმედი კანონმდებლობის მიხედვით, აზარტული თამაშობების მოწყობისათვის საჭიროა შესაბამისი ნებართვების (ლიცენზიების) არსებობა, თუმცა უშუალოდ სისტემურ-ელექტრონული ფორმით თამაშობ(ებ)ის ორგანიზებისათვის ცალკეული ნებართვა არ გაიცემა. ამ მხრივ, საკანონმდებლო მოთხოვნას წარმოადგენს რეალური ობიექტის არსებობა და შემოსავლების სამსახურის მიერ კვარტალური ელექტრონული ველის გამოყოფა.

შპს „ასვლას“ მოპოვებული აქვს ყველა საჭირო ნებართვა და ლიცენზია, და ახორციელებს ოპერაციებს მოქმედი საკანონმდებლო მოთხოვნების ფარგლებში.

3.2 სხვა გადასახადები

ჯგუფს, ოპერაციებიდან გამომდინარე, ეკისრება შემდეგი ტიპის გადასახადები:

მოგების გადასახადის სპეციალური რეჟიმები

2022 წლის 1 იანვრიდან დაბეგვრის ობიექტს წარმოადგენს აზარტული თამაშობის სისტემურ-ელექტრონული ფორმით მოწყობის შემთხვევაში, საქმიანობის ამ ნაწილში, მოთამაშეებისაგან მიღებულ ფსონებსა და მოთამაშეზე

გაცემულ მოგებას შორის სხვაობა. კომპანიის მიერ აზარტული თამაშობის სისტემურ-ელექტრონული ფორმით მოწყობიდან მიღებული დასაბეგრი მოგება იხვერება 10 პროცენტით. 2024 წლის იანვრიდან 15 პროცენტით, ხოლო 2025 წლის 1ლი იანვრიდან 20 პროცენტით.

ასევე 2024 წლის 1-ლი დეკემბრიდან შეიცვალა საქართველოს მოქალაქეობის არმქონე პირების თამაშებიდან მიღებულ ფსონებსა და გაცემულ ფსონებს შორის სხვაობის დაბეგვრის განაკვეთი და შემცირდა 5 პროცენტამდე.

მოგების გადასახადი (15%)

მოგების გადასახადით დაბეგვრის ობიექტს წარმოადგენს განაწილებული მოგება, თუ აღნიშნული მოგება მიღებულია სათამაშო ბიზნესთან დაკავშირებული სხვა შემოსავლებიდან (გარდა ზემოაღნიშნული შემოსავლებისა), ასევე დოკუმენტურად დაუდასტურებელი ხარჯები.

ჯგუფს დღგ-ს მიზნებისთვის (დამატებული ღირებულების გადასახადი) აქვს შემდეგი დასაბეგრი ოპერაციები:

ჯგუფი არარეზიდენტებისგან იღებს მომსახურებას, რომელთა ნაწილსაც ბეგრავს 18%-იანი უკუდაბეგვრის დღგ-ით;

ჯგუფს საშემოსავლო გადასახადის (20%-იანი და 2%-იანი განაკვეთები) მიზნებისთვის აქვს შემდეგი დასაბეგრი ოპერაციები:

ჯგუფისთვის დაქირავებულ თანამშრომელთათვის გადახდილი ხელფასები და სხვა სარგებლები;

ფიზიკური პირებისათვის, მიღებული მომსახურებ(ებ)ის ფარგლებში გადახდილი ანაზღაურებები და სარგებლები;

მომხმარებლებზე გაცემული პრიზები და სარგებლები.

2022 წლის 01 იანვრიდან სისტემურ-ელექტრონული ფორმით მოწყობილ აზარტულ და მომგებიან (გარდა სისტემურ-ელექტრონული ფორმით მოწყობილი წამახალისებელი გათამაშებისა) თამაშობაში მონაწილე პირის საშემოსავლო გადასახადით დაბეგვრის ობიექტია, მის მიერ სისტემურ ელექტრონული სათამაშო ანგარიშიდან გატანილი თანხა. შესაბამისად ჯგუფი მოთამაშის მიერ სისტემურ ელექტრონული სათამაშო ანგარიშიდან გატანილი თანხიდან აკვევს 2 პროცენტს და იხდის ბიუჯეტში.

საპენსიო შენატანი:

2019 წლის 1 იანვრიდან ძალაში შევიდა საქართველოს კანონი დაგროვებითი პენსიის შესახებ. საპენსიო შენატანის გადახდა ევალება ყველა დასაქმებულს და მის სასარგებლოდ ყველა დამსაქმებელს და სახელმწიფოს. თავად დასაქმებული ახორციელებს შენატანს მისი დაუბეგრავი შემოსავლის 2%-ის ოდენობით. ასევე თითოეულს: დამსაქმებელს და სახელმწიფოს, დასაქმებულის ინდივიდუალურ საპენსიო ანგარიშზე შეაქვთ დასაქმებულის დაუბეგრავი შემოსავლის 2%.

არარეზიდენტის საშემოსავლო გადასახადი

ჯგუფის კონტრაგენტების წარმომავლობის გათვალისწინებით, შესაბამისი ოპერაციები იხვერება 5%, 10% ან 15%-იანი განაკვეთით.

კონსოლიდირებული მმართველობის ანგარიშგება

2024 წლის 31 დეკემბერს დასრულებული წლისთვის

დივიდენდის საშემოსავლო გადასახადი

დასაბეგრი განაკვეთი: 5% ან 0% (ორმაგი დაბეგვრის თავიდან აცილების შესახებ არსებული ხელშეკრულების ფარგლებში);

2024 და 2023 წელს ჯგუფს არ გამოუცხადებია დივიდენდი.

ქონების გადასახადი

დაბეგვრის ობიექტს წარმოადგენს ჯგუფის საკუთრებაში და მის ბალანსზე არსებული ძირითადი საშუალებები, დაუმონტაჟებელი მოწყობილობები და ა.შ. აღნიშნული გადასახადი, საგადასახადო კოდექსის შესაბამისად, იანგარიშება როგორც საშუალო წლიური საბალანსო ღირებულების არა უმეტეს 1%.

ზემოთ მოცემული ყოველი ტიპის გადასახადის დარიცხვა /დაკავება/ ბიუჯეტის სასარგებლოდ გადახდა ხორციელდება მოქმედი საკანონმდებლო მოთხოვნების შესაბამისად.

ამაგდროულად საყურადღებოა:

როგორც ზემოთ უკვე აღვნიშნეთ, 2022 წლის 1 იანვრიდან აზარტული თამაშობის სისტემურ- ელექტრონული ფორმით მოწყობის შემთხვევაში, საქმიანობის ამ ნაწილში ჯგუფის მოგების გადასახადით დაბეგვრის ობიექტია მოთამაშეებისაგან მიღებულ ფსონებსა და მოთამაშეზე გაცემულ მოგებას შორის სხვაობა. 2024 წლის 1 იანვრიდან ჯგუფის მიერ აზარტული თამაშობის სისტემურ-ელექტრონული ფორმით მოწყობიდან მიღებული დასაბეგრი მოგება 10 პროცენტიდან გაიზარდა 15 პროცენტამდე.

ამასთანავე, როგორც ზემოთ უკვე აღვნიშნეთ, 2022 წლის 01 იანვრიდან სისტემურ-ელექტრონული ფორმით მოწყობილ აზარტულ და მომგებიან (გარდა სისტემურ-ელექტრონული ფორმით მოწყობილი წამახალისებელი გათამაშებისა) თამაშობაში მონაწილე პირის საშემოსავლო გადასახადით დაბეგვრის ობიექტია, მის მიერ სისტემურ ელექტრონული სათამაშო ანგარიშიდან გატანილი თანხა. შესაბამისად ჯგუფი მოთამაშის მიერ სისტემურ-ელექტრონული სათამაშო ანგარიშიდან გატანილი თანხიდან აკავებს 2 პროცენტს და რიცხავს ბიუჯეტში. ახალი კანონის შესაბამისად, 2024 წლის 1 იანვრიდან 2 პროცენტის ზრდა მოხდა 5 პროცენტამდე.

ამასთან , 2024 წლის 1-ლი დეკემბრიდან შეიცვალა საქართველოს მოქალაქეობის არმქონე პირების სათამაშო ანგარიშიდან გატანილი თანხის დაბეგვრის განაკვეთი და შემცირდა 0 პროცენტამდე.

4. ფინანსური და არაფინანსური მაჩვენებლები

ჯგუფის 2024 წლის სრული ფინანსური მონაცემები - მათ შორის ფინანსური უწყისები, კონკრეტული პუნქტების შესაბამისი თანხობრივი მონაცემები და ახსნა-განმარტებითი შენიშვნები დეტალურად მოცემულია 2024 წლის აუდიტირებულ კონსოლიდირებულ ანგარიშგებაში.

4.1 საბალანსო უწყისი

თანხები დამრგვალებულია ათას ლარში.

	31 დეკემბერი 2024	31 დეკემბერი 2023
გრძელვადიანი აქტივები	1,884	1,980
მოკლევადიანი აქტივები	843	2,014
აკუმულირებული ზარალი	(5,177)	(4,899)
გრძელვადიანი ვალდებულებები	-	36
მოკლევადიანი ვალდებულებები	845	1,798

4.1.2 ვალდებულებების შესახებ

სავაჭრო და სხვა ვალდებულებები: ჯგუფის პოლიტიკის შესაბამისად, აღნიშნული ვალდებულებების დაფარვა ხდება ხელშეკრულებით პირობების შესაბამისად და განსაზღვრულ ვადებში.

4.2 მოგება-ზარალის უწყისი

თანხები დამრგვალებულია ათას ლარში.

	2024	2023
ფინანსური ხარჯი	(51)	-
ზარალი ვალუტის კურსთა შორის სხვაობიდან, წმინდა	(25)	17
მოგება (ზარალი) შეწყვეტილი ოპერაციებიდან	(275)	56
მთლიანი სრული შემოსავალი (ზარალი)	(351)	73

4.3 ფინანსური კოეფიციენტები

	2024	2023
ლიკვიდობა*	1.00	1.12
სწრაფი ლიკვიდობა**	1.00	1.12
ROE***	(0.19)	0.03
ROA****	(0.13)	0.02

*ლიკვიდობის კოეფიციენტი გამოითვლება სრული მოკლევადიანი აქტივების შეფარდებით სრულ მოკლევადიან ვალდებულებებთან;

**სწრაფი ლიკვიდობის კოეფიციენტი გამოითვლება ჯგუფის მოკლევადიან აქტივებს გამოკლებული მარაგების შეფარდებით სრულ მოკლევადიან ვალდებულებებთან;

***უკუგება კაპიტალზე (ROE) გამოითვლება წმინდა მოგების შეფარდებით ჯგუფის კაპიტალთან;

****უკუგება აქტივზე გამოითვლება (ROA) წმინდა მოგების შეფარდებით ჯგუფის სრულ აქტივებთან;

2024 წელს 2023 წელთან შედარებით ჯგუფის ლიკვიდობის და სწრაფი ლიკვიდობის კოეფიციენტი მცირედით შემცირებულია, თუმცა კოეფიციენტი ტოლია 1.0-ის, რაც ნორმალური მაჩვენებელია. რადგანაც ჯგუფს არ აქვს მარაგები, აღნიშნული კოეფიციენტები ერთმანეთის ტოლია.

ლიკვიდურობის კოეფიციენტის შემცირება წლების მიხედვით აიხსნება იმით, რომ ჯგუფმა 2022 წლიდან აქტიურად დაიწყო ბიზნესის განვითარება და ოპერირება, უფრო კონკრეტულად კი ფულადი რესურსი მიმართა არამატერიალური აქტივის („ასვლას“ Web გვერდის) შექმნისკენ და შეიძინა საქმიანობისთვის საჭირო ძირითადი საშუალებები. „ასვლას“ ვებ გვერდი კი ჯგუფისთვის შემოსავლის გენერირების წყარო იყო 2024 წლის 30 დეკემბრამდე.

2024 წელს 2023 წელთან შედარებით ჯგუფის უკუგება აქტივებზე და კაპიტალზე შემცირებულიარადაც ჯგუფმა 2024 წელს გაყიდა საკუთარი წილი შვილობილ საწარმოში, რის შედეგადაც შემცირდა აქტივები და წარმოიქმნა ზარალი შეწყვეტილი ოპერაციებიდან.

4.3 მნიშვნელოვანი არაფინანსური მაჩვენებლები

ჯგუფი ახორციელებს თავის საქმიანობას გამჭვირვალედ, ბიზნეს ეთიკისა და პასუხისმგებლობის მაღალი ხარისხით.

თანამშრომელთა კეთილდღეობა

ჯგუფი საქმიანობას ახორციელებს ბიზნეს ეთიკისა და პასუხისმგებლობის მაღალი ხარისხით. აჯგუფი ცდილობს ისეთი პროცედურების დანერგვას, რომლებიც ზრდის სწორი თანამშრომლის შერჩევის შესაძლებლობას, რომელიც გათვლილია გრძელვადიან ურთიერთობაზე. ჯგუფი მუდმივად ცდილობს, შეუქმნას მის თანამშრომლებს უსაფრთხო და კომფორტული სამუშაო გარემო.

5. ჯგუფის ძირითადი რისკები

ჯგუფის სპეციფიკისა და სათანადო ბიზნესის ინდუსტრიის მახასიათებლებიდან გამომდინარე, ჯგუფის ხელმძღვანელობა, რომელსაც აქვს რისკების მართვის პროცედურების იმპლემენტაციისა და მისი შემდგომი ზედამხედველობის პასუხისმგებლობა, აცნობიერებს კომპანიის წინაშე არსებულ რელევანტურ რისკებს, და ბაზარზე მიმდინარე ცვლილებებზე მუდმივი დაკვირვებითა და მის ხელთ არსებული სხვადასხვა ინსტრუმენტების გამოყენებით, უზრუნველყოფს იდენტიფიცირებული რისკების მინიმიზაციას. აღნიშნულ პროცესში მნიშვნელოვანი როლი უკავიათ ჯგუფის კვალიფიციურ თანამშრომლებს, რომლებიც აცნობიერებენ დაკისრებულ უფლება-მოვალეობებს და რომელთა გადამზადებაც, მოთხოვნილებებისა და საჭიროებების გათვალისწინებით, მიმდინარეობს უწყვეტ რეჟიმში.

ჯგუფის წინაშე არსებული საკვანძო რისკები შეიძლება დაიყოს შემდეგ ძირითად მიმართულებებად:

საკრედიტო რისკი

გამომდინარე ჯგუფის სპეციფიკისა, რაც გულისხმობს დიდი რაოდენობით ფულადი აქტივების არსებობას, არსებობს რისკი იმისა, რომ მეორე მხარე სათანადოდ ვერ შეასრულებს ხელშეკრულებებით გათვალისწინებულ მოთხოვნილებებს.

აღნიშნული რისკის მინიმიზაციისათვის, ჯგუფის ხელმძღვანელობა ახდენს ფულადი რესურსების დივერსიფიცირებას მაღალი რეპუტაციისა და რეიტინგის მქონე კომერციულ საბანკო დაწესებულებებში და აკვირდება ბაზარზე მიმდინარე მოვლენებს, რაც, საჭიროების შემთხვევაში, აძლევს სწრაფი რეაგირების საშუალებას.

ლიკვიდურობის რისკი

ჯგუფის ბიზნეს პროცესებიდან გამომდინარე, კრიტიკულად მნიშვნელოვანია, რომ ჯგუფმა ჯეროვნად შეასრულოს მომხმარებლებისა და სერვის პროვაიდერების წინაშე ნაკისრი ვალდებულებები. აღნიშნული რისკის მინიმიზაციისათვის ჯგუფის ხელმძღვანელობა იყენებს სხვადასხვა ბერკეტებს, მათ შორის წარსული შედეგების ანალიზს, ფულადი სახსრების დივერსიფიკაციას და მონიტორინგს, ლიმიტების დაწესებას და ა.შ. თითოეულ მოცემული პუნქტზე დაკვირვება და ანალიზი მიმდინარეობს მუდმივ რეჟიმში, რაც იძლევა, საჭიროების შემთხვევაში, ცვლილებების დროულად შეტანის შესაძლებლობას.

სავალუტო რისკი

ჯგუფი სავალუტო რისკის წინაშე დგას იმ პოზიციებზე, რომელთა საოპერაციო ვალუტაც განსხვავდება ჯგუფის ფუნქციონალური ვალუტისგან (ქართული ლარი). ვალუტებს, რომლებშიც დენომინირებულია ჯგუფის აქტივები და ვალდებულებები, წარმოადგენს აშშ დოლარი (USD), ევრო (EUR) და დიდი ბრიტანეთის გირვანქა სტერლინგი (GBP).

გამომდინარე იქიდან, რომ ჯგუფი თანამშრომლობს ბევრ უცხოელ კონტრაგენტთან, ანარიშწორებაც ხდება სხვადასხვა უცხოურ ვალუტაში.

იმის გათვალისწინებით, რომ სავალუტო კურსების ცვალებადობა წარმოადგენს ძირითად მაკროეკონომიკურ ბერკეტს, რომელზე გავლენის მოხდენაც ჯგუფის შესაძლებლობებში არ შედის, შეუძლებელია რისკის ნულოვან ნიშნულამდე შემცირება. თუმცა ხელმძღვანელობა, უცხოურ ვალუტაზე ხელმისაწვდომობით, მათი სათანადო გადანაწილებითა და ხელშეკრულებებით გათვალისწინებული პირობების პერიოდული გადახედვით და გაუმჯობესებით, ახერხებს ამ მხრივ გააჩნდეს მყარი პოზიცია.

IT უსაფრთხოებისა და რეპუტაციის რისკი

ონლაინ სათანადო ბიზნესი, როგორც წესი, ხასიათდება მომხმარებელთა ლოიალობის მაღალი სენსიტიურობით. შესაბამისად, განსაკუთრებული როლი ენიჭება IT მიმართულებით უსაფრთხოების ზომების უწყვეტ გაუმჯობესებას.

ჯგუფის ხელმძღვანელობა, მუდმივი ზედამხედველობით, კვალიფიციური თანამშრომლებითა და საჭირო აღჭურვილობების საშუალებით, იღებს ყველა საჭირო ზომას, რომ ვებ-გვერდზე ვიზიტი, თითოეული მომხმარებლისათვის, იყოს მაქსიმალურად უსაფრთხო და ხასიათდებოდეს შეფერხებების მინიმალური რაოდენობით.

ჯგუფის რისკების შემცირების სტრატეგიები მოიცავს:

- ლეპტოპებისა და დესკტოპების დაცვას
- მონაცემების უსაფრთხოდ შენახვას
- ქსელების დაცვას
- სერვერების დაცვას
- შესაფერისი და დროული IT მხარდაჭერის ხელმისაწვდომობას

საკანონმდებლო რისკი

საქართველოს ბაზარზე სათამაშო ბიზნესის პოზიციონირება წარმოშობს დამატებით ეკონომიკურ, პოლიტიკურ, სოციალურ, სამართლებრივ და საკანონმდებლო რისკებს უფრო განვითარებულ ბაზართან შედარებით. კანონები და რეგულაციები, საგადასახადო და მარეგულირებელი ჩარჩოები ზეგავლენას ახდენენ საქართველოში ბიზნესის სწრაფ განვითარებაზე. საქართველოს მომავალ ეკონომიკურ კურსზე ზემოქმედებას ახდენს მთავრობის მიერ მიღებული ფისკალური და მონეტარული პოლიტიკა, საკანონმდებლო, მარეგულირებელ და პოლიტიკურ გარემოსთან ერთად. საგადასახადო კანონები განიცდიან ხშირ ცვლილებებს, რაც სხვა საკანონმდებლო სირთულეებთან ერთად, საქართველოში მოქმედი ორგანიზაციებისთვის გარკვეულ გამოწვევებს წარმოადგენს.

2024 წლის 31 დეკემბერს დასრულებული საანგარიშგებო წლისთვის მომზადებული კონსოლიდირებული მმართველობის ანგარიშგება ხელმძღვანელობის მხრიდან დამტკიცებულია 2025 წლის 20 ნოემბერს შემდეგი პირების მიერ:

დირექტორი:

არჩილ გიორგაძე
